


資治新書



			五	漢書門
	二	四	五	
	四	六	九	
	冊	架	函	號
			類	

交

庫文閣內

五

五

內閣文庫

番號 漢 5158

冊數 24 (5)

函號 297 28

四

架



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



資治新書卷之六目次

文告部

鼓士一考諸生類

科舉示

行各屬示

較士二考儒童類

諭科考儒童

又諭

諭八縣童生

諭各屬儒童

漢書卷之六

李少文

萬青嶼

李少文

李少文

席竺來

關名

資治新書卷六目

示覆試童生

王望如

訓士

申飭教條

李立佩

務孝友
慎交遊

李立佩

礪廉恥

李立佩

崇經學

張蓼匪

斥排偶
禁社選

張蓼匪

正文體

谷霖蒼

礪士

禁貼歌謠

季滄葦

署道十二禁之一

周樸園

約兵

禁約兵丁

秦瑞寰

安民一 預安反側類

曉諭在城官兵

王陽明

示諭從逆官兵

王陽明

安民二 調濟軍民類

告諭軍民

王陽明

諭軍民

文太青

招撫亂民

曉諭投誠人示

蔡魁吾

曉諭涑頭營賊

王陽明

招亂民復業

胡貞巖

勸諭逃人

逃人示

周櫟園

鹽禁一 革陋規類

通示各屬

張伯珩

鹽禁二

示湖廣地方

姜滙思

示江西地方

李望石

鹽禁三 禁抑價類

示江廣地方

李潞陽

鹽禁四 諭安業類

諭新商

胡道南

鹽禁五 禁占窩

均窩示

胡道南

鹽禁六 保安貧灶類

均引示

胡道南

救荒

賑粥示

張玉筍

諭飢民

文太青

招撫流移示
禁閉釋

文太青
失名

庶務一 祈禱類

祈晴
祈雨

秦瑞寰

庶務二 勸募類

勸諭修橋
勸助修文昌樓

林鐵崖
齊楚珍

瘞棺骸示
募捕虎骸示

秦瑞寰

庶政

禁借酒債
侵權舖行

林鐵崖

保募清產

吳曼殊

又

郝念祖

寶治新書卷之六

湖上笠翁李

漁菟轉

較士一考諸生類

科舉示

李少文

越手
天賦體
精失文
告之休
日後段
警策可
為作文
之法故
之

為決科事。照得。勁鹿將賡。行衍嘉賓於天府。雕龍遞
擅特。衰眾妙於風簷。非有陽秋。足當月旦。但。要。知。山
下。或。堪。詹。擬。為。過。來。若。果。處。囊。中。吾。得。早。占。其。脫。穎。
莫云小戰實係先聲。為此示諭三學生員。凡已經造
冊報名者。俱於二月初六日五更。齊集貢院。照府考
舊規。儒巾青衫。止携筆墨水。注魚貫聽點。寅入酉出。

沉着
快悔是
溫來人
語

務儘一日之力。而競乎平日之奇。角戰鏖爭。拾及三
春之中。而預展三秋之兆。但文心須肅。懈則急。流慢
擯。雖平穩。而總遜風。檣文筆。須真勦。則他肉裝身。卽
豐滿。而全無血性。故凡從事場屋。必戒喧譁。兼防夾
帶。諸士同懷靜氣。並挾錦心。何必鯁鯁慮此。惟思從
肅聚手。以真雄。致志操觚。所長畢盡。異時試兩闈。試
大廷。總此二字。只為進取真訣。非必繆恭本廳而姑
就此須臾之繩束也。相與漸深。言無庸飾。惟諸士體
之。

行各屬示

許青嶼

為出巡事。照得石渠虎觀。事開著作之庭。慈嶺曲江。
蔚起修文之彥。星精旅於東井。風雅著於西京。矧
今天子。棄矢右文之會。正爾秦士。懷珍待聘之期。本
院攬轡省方。觀成切慮。博采風詩。爰歌駟鐵。溯泗中
泚。載詠伊人。豈徒效雀舌於三春。索龍媒於六服。虛
負人倫之鑑。謬乘土國之馳。已哉。是以周章原隰。翹
首俊賢。瞻念古今。庶幾且暮。惟爾秦士。捐鳴瑟。擊缶
之習。崇奉璋瓚。瓚之休。移情於白露蒼葭。琢磨增粹
秉志於車鄰駟阜。檠藪改觀。予以炳麟當代。迫武往
徽洵撫運之英華。經國之盛嫩也。本院實揚衡望之

矣。爲此案仰云。盧公較閱。毋潦率從事。毋瞻徇虛聲。交彼榛蕪。避茲茂異。分別解院。以憑取裁。務返典淳。用覩秋實。慎之慎之。

較士二 考童生類

論科考儒童

李少文

爲科舉事。照得豫章素號多材。應童子試者以萬計。勢不能一場完局。而替考代筆者。往往竄入其中。魚目混珠。燕石混玉。殊可惋恨。本廳所取試卷。必一一磨對縣卷。如府卷與縣卷筆跡參差。卽文如純錦。亦置不錄。至一應改名頂補。總屬弊端。卽有愿頂者。亦

須預稟該縣換名造冊。如臨時執卷求更。或縣未取名。以白卷乞收考者。定行斥出。

又諭

爲科舉事。照得典廂鹿鳴士。行雀躍子。矜爭奮而童子科之待考較。思穎脫者。林林比比。人視諸生倍衆。等視諸生倍雜。自非屏肆澄觀。精心盤閱。而玉石鯁鯁。豈易品題。區別無相。奪倫。况一路功名。從茲發軔。殿最前。却關係非輕。自非矢志虛公。破除情面。而孤寒。濩落。望交衡之門。如九天上者。何繇振拔。汚泥無階。自達本廳。鑑乏陽秋。勉承較士之委。徐慮從事。爲

此曉諭本府合屬童生務各安心肄業。俟候考試其較閱詮次。總出本廳靜披公質。務在字漁句獵。悉索無遺。誓不以欲速而抹沉研之苦。誓不以貴少而塞淹滯之途。誓不據舊案而轉忽。當場誓不徇先容而反遺真品。暗中摸索。惟文是求。格外摩洋。凡奇必錄。斯言一出。天日為昭。爾等當益努力。殫燈窗之賜。殖摘風晷之雄文。以副本廳相成至意。不然。平昔荒唐。一朝中熱。張空拳以思白戰。挾鉛刀而與一割。恐本廳不任欺。亦不任咎也。與其貽悔於怨。尤何若加功於淬礪。其熟思之。

諭各縣童生

開封 席竺來 陝西人

照得本府性耽佳句。惜士如金。憐才若渴。誓不使用珠暗投。珊瑚抱泣。試卷中除抄舊文。寫別字不完篇。請客雷同。及蠅頭蚊脚字類。塗鴉者。槩置不錄。此外伊朝伊夕。顧百軸可懸國門。而鬱輪徒抱。採薪未逢。卯闈應運絕少。非才之罪。抑時尚有待也。今茲代庖。府篆與觀歲試。昔人所謂辛苦之地。不易初心。正于此際。夫車音接响。池鐵奮飛。川可浮光山。能輝翰荷。裁篇摘句。盡入搜羅。如有白頭黃口。迷心不量。恣意胡纏。即將本童廢卷粘貼大門。與眾共耻。并提父師

究懲毋自貽悔。特示。

諭合屬儒童

照得本府濫竿三載。日與八婺嗜奇好古之士敦勵感應之理不移。豈遇合之途或塞。計今春所拔覆試之童。凡在十名內者。見遺會無一二。爾等務竭心思。窮殫學力。三長互用。一日俱收。高者格力意義出入。大家次亦遵式經雅。毋為龐雜。毋為蹈襲。毋為庸腐。雖一字一句之奇。亦必流自胸中。毋至陳陳紅朽。本府憐才心切。誠不忍執我法為定衡。拘一格以貶技。但使徵長足錄。決不以有類或遺。至存牘紛紛鑽管。

自昔本府水鐵為腸。礮礮矢誓。斷不使貧寒阻抑。竿牘爭先。其有胸無點墨。未諳操刀。貽羞曳白。廉恥寡鮮。沿途叫號。希圖纏擾。徼倖者。定行提究。父師追求。主使依律重懲。為此示諭八縣。送考童生。上守憲規。下安義命。毋貽後感。又聞已經革黜。冒名再考者。不少。縱使鶚音懷我。其如害馬無羣。文字或可寬收。德行終為有玷。察出并行申究。不貸。

示覆試諸生

王望如

為月課事。照得本廳半世諸生。廿載教讀。佐理泉郡。日與諸生質疑辯難。其素心也。奈初入仕途。簿書應

對既無劉穆之之兼材又多稽中散之懶癖兼以目疾頻發展卷模糊各學所呈諸課未及拂冗開封惟晉童手通課本約四百餘卷親行點次拔其尤者四十人將原卷發晉江縣與彙試諸童一體覆試作者一日有短長閱者一日有敏鈍不明之罪孰謂無之不公之謂庶幾可免

訓士

申飭教條

竊照我

江南李玄佩諱嵩陽封丘人

國家定鼎六年培養士類意渥以周賓興迭舉於鄉

優免較降於昔凡為聖學之明晦係世運之平陂道

統托乎儒修文章即以報國

朝廷之望士者重士亦何忍自處於薄也江南首應

龍飛三歌鳴鹿而上江士氣鍾海門天柱之雄引九

子齊雲之勝九當毅然善變煥然易新豈猶因循故

習輕儆其品詭飾其文上違功命而自失羽儀哉

本院材原榜檠承乏西臺數載今者典學之役復經

閣試操觚而得之是

上意不惟慎擇其人亦且於文加核矣本院之進廢

備命不苟如此乃反苟於待士

資治新書 卷六

六

天威咫尺。敢隕越以滋戾耶。用是下車之日。卽與多士約。務使頽風一振。黨塾重光。勿謂宣布不彘也。所有條例。開列于左。

務孝友

夫士未有根本不立。而堪別語器識者。自明季競尚風流。高言簡脫。樂就稽阮之放。軼迂視道。學之準繩。戕天性。蕩行檢。骨肉之間。媮薄已甚。澆漓禍國。殷鑒匪遙。今世趨漸。返於淳。諸士宜處心似厚。但能力行。孝弟君陳之保。登張仲之燕喜。皆廟堂所樂得爲臣者也。本院延佇俟之。以備孝秀之

選

慎交遊

詩曰。他山之石。可以攻玉。易曰。比之匪人。不亦傷乎。言乎賢者爲我助。不肖者爲我累也。往昔大江南北。旗鼓相讖。聲氣相求。猶屬道德之交。鳴文章之互警。議者尚或非之。近聞少年惡習。聚族呼儔。流連陸博之場。馳騁倡優之巷。以非笑異已爲樂。以擊斷鄉曲爲能。致揖讓不行於里閭。老成或受其詬。誅殺機所釀。召寇召賊。深可痛懲。自今各宜閉門。毋得仍以聚會爲慧。義方可訓。難爲師。儒父兄寬也。

礪廉恥

夫上下相維恃有等威不替庠序者等威之所出也
席珍國寶聲價重於連城乃攘袂以來子衿泮藻之
榮不能博負販編氓之一盼豈時之能賤士哉良由
貶德自輕蠅營狗苟走利如鶩輟詩書而躬為商賈
之行染指爭羶酬杯酒而便效公廷之質甚至結書
吏為兄弟聯傭保為宗親清夜全迷斯文掃地與言
及此尚不自艾而尤人乎本院為

朝廷重名器為諸士護體統有一如此定以劣論

崇經學

兩浙張蓼匪諱安茂
文宗華亭人

六經為聖人治世之書顯而事功微而心性包藏涵
泳義盡三才學庸語孟宣六經以為言者也今世制
義又代學庸語孟以為言日取本源討論之惟恐莫
究況能舍源而竟其委乎乃二三豎子一經未達率
其小慧以掇拾而致科名遂使舉世捷徑相徇嘲淹
貫為無當何怪乎以雜霸好雄之氣行於學庸語孟
之文也

與朝程式炳如日星自禮闈肇開冠冕天下者皆名
儒老學是淹貫未嘗不售彼掇拾者未嘗不擯落也
願諸士反而思之本道以古法衡文凡畔道離經槩

置弗錄

斥排偶

夫四六之文起於晉魏盛於齊梁沿至隋唐浸淫無極昌黎起八代之衰歐曾繼廓清之烈後之學者始知駢麗為弱空濬為高彼碑銘傳記尚不可以偶對溷其體傷其氣矧百世而下迨肖聖賢之答問發仁義道德之旨乎當明季倡效六朝識者蚤知不振奈何鴻都初御旭日方升屢經部科糾正仍有奏魁魁之響於白晝光天者良可怪也如遇帝王則必用凝圖受籙立扈喘宮垂旒端冕等語遇事功則必用

鐘鼓馨香金書玉簡等語遇文學則必用翔翔菴苑休息聲施咀英茹華摘芳挾藻等語遇道德則必用圭璧瓊瑋琦瑀禮祐等語遇民情則必用珮璫酒漿發鼓軒舞等語以致名山風雨隨筆抄填馨澤良懷逢篇點綴臭腐滿臆談者欲嘔本院鉛槧在手誓用申韓之律剪此蕪莠直同四兇之誅也

禁社

明代相傳止有墨牘房書之刻起自嘉隆是時文章之權歸於上故風氣一而好尚同也迨禎朝社刻紛爭人標赤幟作者有南轅北轍之異倣者懷三頭六

資治新書 卷六

九

響之思始乃巨擘爲之後則妄庸接踵逝波難挽流弊至今去歲奉內院題參痛懲書肆而梨棗之災未已茲合移會下江嚴行曉諭除先朝五十大家明文合選文定文待等書有裨文教許坊間重刻廣布外其餘一槩不准存留蓋儒林矜式部中自有頒行官本非諸生所得定低昂也如依舊抗違選者提究書賈一體論罪

正文體示

兩浙谷霖著 諱應泰 豐潤人

照得兩浙人才淵藪藝苑鄧林本道以畿輔暨儒幸撰鉛槧問奇茲士凡響龍繡虎之才學海經笥之彥

已於科試時悉窺涯涘今當歲校諸生載筆而前者皆見放之士也孤音獨賞諸生諒不因按劍而更絃而壁壘從新木道則望其加鞭而進步偶因冊定文翼著有論文四則出本道甘苦自得之言亦諸生章弦當佩之語欲復古道先洗時蹊特爲拈示就正通明雖蠡測管窺大方所鄙然多士虛懷庶幾問途老馬勿以常談忽之

一文之於題猶射之有鵠也審鵠命矢往輒破的自邪說亂真野狐畔道往往題理則如此文辭則如彼名爲闡發經傳實則矛盾聖賢先儒註傳以翼經今



列之短
者難於
長猶詩
之絕句
難于近

八反。驅經而從傳。前輩有云。讀講說不如讀傳。註讀傳。註不如讀白文。諸生但取四子白文。上下前後百番。洒泳索理。解於題中。尋虛神於題外。心翹神迎。使題意當前。活現奮筆力。追稍縱則逝矣。此行文最要三昧不可不知。

一。見短鶴長。行文貴有自然之節意。為斷續皆非妙徑。每見試牘文。往往冗長難置。豈真人盡潘陸致患才多。實緣作者胸中本無名理。真詮可闡。聖賢之心蘊。遂為蔓詞浮調。欲迷有司之耳目。自不解求工。惟知溢幅連篇。累牘望之。疑有海江之才。疊居重簪。按之

亦近休
雅於古
風也古
我之徒
人其絕
句其長
者古今
虛有幾
人哉元
怪乎森
把之流
且知以
多為貴

不中繩尺之用。此語本無餘味。故疊一語以見奇。兩此乃是正裁。忽衍三股。以出勝意。已盡而辭省。來無非蛇足轉。太多而義彌晦。滿口葛藤。此等敷衍皆可不必在作者。刺刺不休。閱者已昏昏欲寐矣。夫崑山此玉。桂林一枝。物惟矜貴。美豈在多。賣菜求益。有識者當其鄙之。

一時文為初學。津梁譬仙家之鉛汞。善為之則得魚忘筌。不善為之。必刻舟求劍。陳陳相因。銅人神智不。小夫事以創出見奇物。以異常名寶。天孫之織不乞巧於齊紈。和露之蕤。豈借腥於吳餼。用所獨有無能。資台新書卷六

不新世有俗子不解讀書漫銷日月賢者結聯聲氣
重爾而趨其不肖者廢著齋財牙籌弗釋及聞較試
張皇勦襲楊史兩賢之稿便是護身符天下試牘之
書取爲救荒穀借時人之餘沫爲試事之先資千六
一音甚不可聽爾浙吳才輩出豈肯隨人踵立有能
以巨嘗學華裝。撞繩蜀之智行之制菘中者定將懸
格而待之若肯取惡套竊掠時文盪語者置諸下駟
彼所自甘其何惜之有

一文章之道明理爲宗博學爲輔六經理之源也諸
史學之輔也聖賢立言雖在三代以上本自囊括古

今範園治亂邇來士子藉口清空掩其拙拙一意數
轉已是十行幾字更移便成兩股借上影下本題之
位置反作過文造實擊虛義理之根源都爲剩語鑄
局則於題外強爲呼應練股則於句末自相卽離此
等伎倆正如倚門獻笑令人不顧而唾尤可鄙者枯
木寒鴉動日先輩自應爾爾打油市諢又曰趨時不
得不然眼大於箕腹空猶磬夫談理必以經學爲歸
論事則以史學爲要旨左腐遷孰不可聽我驅馳韓
契蘇髯何一非供人點染古人云文章經國之大業
不朽之盛事本道拭目俟之

礪士

禁帖歌謠

山西季滄葦諱振宜
巡按

為申飭事照得本院經過道路見士子稱頌縣令通
貼歌謠墨浪方新紙箋甚麗若欲使本院見者心竊
鄙之做官優劣上司自有定衡豈職任激揚甘同墮
賄便操評考于附會之口若論秀才木色據梧長吟
則應目不窺園研究經濟則應留心當世誼篤粉榆
則應痛陳疾苦未聞有王於頌德稱功而可為士子
之姘修者止因民莠呈身遂使甲板減色惡套陋風
合早嚴飭此後倘有俊墨之吏慮其覆敗偽開政績

囑託揄揚雖多方巧飾豈能欺本院之耳目其穢劣
青衿及劊劊人等如有再刻前項歌謠榜貼通衢者
本院聞見所及必定究其從來一體治罪

署道十二禁之一

周棟園

照得官品臧否上臺自有公道乃有等劣矜才民逢
迎有司無端諛訟有故保留乃有司墮其雲霧引為
親嫌因而關通賄賂出人把持辱士風而敗官箴本
司最所痛恨及抵泉以來遍衢紅帖當署樹旗更屬
劍聞不勝賊愕夫有司果賢何必藉諛于此輩使有
司不肖欲蓋彌張况今日刻帖頌德之人詎他日刻

揭告欵之人今日豎旗留官之人卽他日懷磚擊官
之人不加嚴懲何以示警以前姑不深究自示之後
如有仍前粘帖豎旗者本司現帶學篆劣矜立行黜
革刁民立拏重處決不輕貸

約兵

禁約事

秦瑞寰

朝廷一統天下滿漢皆屬王臣兵民豈容異視本院
前按兩浙目擊兵丁暴橫及縱容小廝欺侮百姓或
行使假銀搶奪貨物或進店飲食止還半價或沿途
捉人挑送行李米豆草料或三五成羣砍伐樹木採

摘蔬菜掘毀笋竹縛畜捕魚或縱放馬匹踐食稻麥
或擅入民家勒索酒飯或于鄉僻孤村強姦強劫或
在稠居鬧市拘摸剪絛甚而借吃烟戲良家婦女扼
死其夫窺資囊白晝搶奪併傷其命遂劫肩負之米
使合家老幼絕糧羣搶祭饗品物致百姓祖宗之祀
放債則入兩當十取利則每月加二利上盤利害及
親朋動輒行兇鎖弔拳打脚踢刀背皮鞭血淋漓而
怒猶不息人昏仆而尙曰詐欺地方不敢言傍人不
敢勸飲屈吞聲匪朝伊夕今大院重來茲土席尙未
溫業見某旗兵丁劉世英毆死陸文正某旗兵丁王

四十二。殺死任大德。尙有未見未知者。不知凡幾。所幸回山額真楊初臨省會。卽悉民艱。嚴禁兵丁。揭示明切。以上種種。過惡諒無敢再犯。而于紀律者矣。但本院深慮爾等愚民無知。不體回山德意。及本院直賜爾等反欲抑兵。或價買物件。而故稱白取。或物值已對。而故言虧本。或出銀權倚。故不聽從。或銀八錢。二故不肯。或無侵損。而駕言受虧。或不暴橫。而誣稱毆打。或細故儘可容忍。而故意扭結。叫喊。若有一于此。本院徑徑之性。斷不偏徇。定從公審。究重處。如果兵丁不知省改。猶肆兇惡。情理難堪。犯于衆怒者。不論是何營標。許地方里甲。協拿解院。查訊得實。治以軍法。本管連坐。決不輕貸。

署道十二禁之一

周棟園

本司察得泉郡各頂舖行。皆係兵丁把持。蓋始則舖戶藉兵丁之威。繼則兵丁擅舖戶之利。終則利盡歸于兵丁。害獨歸于舖戶。深爲民厲。殊可髮指。爾兵以前獲利已多。本司亦不追究。今後各安營伍。留此一碗薄粥。養我凋弊子民。無再哂其喉而奪之食也。
安民一預安反側類

曉諭在城官兵

王陽明

照得寧王造謀作亂。神人共憤。法所必誅。在城宗支郡王儀賓。皆被逼協。如鍾寧王無罪削爵。建安王父子俱死。軍民人等。或覆宗滅族。或蕩家傾產。或勒取子女。皆恨入骨髓。敢怒而不敢言。今日之事。豈其本心。今本院仰仗朝廷威靈。調集爾廣。并本省狼達漢土官兵二十餘萬。即日臨城。無非因民之怨。惟首惡是問。告示至日。宗支郡王儀賓。各閉門自保。商賈買賣如故。軍民棄甲投戈。各歸生理。無得驚疑。該府內臣校尉把守人員。開門出首。或反兵助順。擒斬首惡。一體奏聞。陞賞。其有懷好。稔惡。從逆不悛者。必殺不

赦。凡我良善軍民。即便去惡從善。毋陷族滅。故示。

示諭從逆官員

照得寧王悖逆天道。造謀作亂。殺戮大臣。都布按三司官員。各悚於暴虐。保其妻子。以致臨難之際。不能自擇。或俛首幽囚。或甘心降伏。貪生畏死。反面事仇。春秋之義。雖嚴於無將之誅。而志圖興復者。尚不忍于峻絕。探得各官現今在城。閉門自訟者有之。臨城巡關者有之。出入府庫。運籌畫策者有之。此皆大義未分。孤立無助。揆之法理。固不容誅。推之人情。實為可憫。即令本院統集狼達漢土官軍二十餘萬。後先

薛城各官果能去逆歸順尙可轉禍爲福故今特遣
牌諭兵臨之日仰各開門出首仍一面將本院發去
告示給散張掛撫諭良善百姓宗支儀賓人等各開
門自保毋輕出街市橫遭殺戮該府把守內臣校尉
人等亦各諭以大義俾知背逆向順尙可免死投甲
釋戈蓬頭面縛候本院臨審定奪敢有從惡不悛執
迷不悟拒敵官兵者必殺無赦仍具改正緣由親齎
投首以憑施行

安民二 調劑軍民類

告諭軍民

本欲安民反作
愛護兵
丁語然
字字是
諷之使
痛林之
便去乃
悲歌之
愛調也
其見苦

告諭軍民人等爾等困苦已極本院才短知窮坐視
而不能救徒含羞負愧言之實切痛心今京邊官軍
驅馳道路萬里遠來者無他皆爲朝廷之事拋父母
棄妻子被風霜冒寒暑頓頓道路經年不得一顧其
家其爲疾苦殆有不忍言者豈其心之樂居于此哉
况南方卑濕之地尤非北人所宜今春氣漸動瘴疫
將興久客思歸情懷益有不堪爾等居民念自己不
得安寧之苦卽須念諸官軍久離鄉土拋棄家室之
苦務敦主客之情勿懷怨恨之意亮事寧之後凡遭
兵困之人民朝廷必有優恤今軍馬塞城有司供應

日不暇給一應爭鬪等項詞訟俱宜含忍止息勿輒
苦擾各安受爾命寧耐爾心本院心有餘而力不足
聊布此苦切之情于爾百姓其各體悉無怨

諭軍民

文太青

照得洛邑鼎建大藩永作南國良翰其隨封軍校亦
將千百年世爲洛人矣洛人卽爾輩親隣自同一體
勿作胡越相看爾輩卽我赤子本縣又安忍另著一
眼乎各宜恪守法紀爾輩雖係藩人而道府彈壓于
茲有司者爲天子守上政令之所出也卽藩人得以
三尺問其不法者其或有詞到官自是秉公剖訊固
不肯厚民薄軍亦不肯呵軍苦民也凡我洛民亦宜
知軍校卽爾輩親隣務相睦好毋干刑憲

後漢書卷之三

招撫亂民

曉諭投誠人示

蔡魁吾

照得誅逆撫順王法所以無私使過錄功至仁出來
無外我 本朝以寬大治天下以信義治人民亦既
昭如日月矣今據吉安府詳送投誠人某到部院除
准撫錄用外第查某某發難之由皆因爭田小忿負
屈稱戈今既洗非悔過所當嘉與維新誠恐愚民有
懷舊隙希圖報復而地方官不體 恩赦槩行准理
拘提鞠審以致撫民心懷疑貳進退無依甚非本部
院推心置腹之意爾百姓不思某未向化時與爾等

資治通鑑卷六

六

為仇敵今既歸順則與爾等共為良善矣爾等不能
報之于為逆之時反欲報之于歸順之後乎為此合
行曉諭凡某從前作事一槩不許告誣有司不得准
理敢有挾私警控者許該衙門將原告解究至其原
隨黨與連當翻然來歸願人伍者發營食糧願歸耕
者悉准回農蓋以某首倡之人且蒙獎賞汝輩協從
可無矜宥慎毋疑畏怙終再走錯路示到速宜急撥
勿貽後悔

曉諭剽頭巢賊

江西王陽明諱守仁
山陰人

本院巡撫是方專以弭盜安民為職蒞任之始即歸

本欲示
振以威
却借脅
從引八
反揭出
一片婆
心此仁
人之術
也支心
巧絕

爾等積年流劫鄉村殺害良善民之被害來告者月
無虛日本欲即調大兵勦除爾等隨往福建督征漳
寇意行回軍之日勦蕩巢穴後因漳寇既平紀驗斬
獲功次七千六百有餘審知當時倡惡之賊不過四
五十人黨惡之徒不過四千之眾其餘多係一時被
脅不覺慘然興哀因念爾等巢穴之內亦豈無從從
之人况聞爾等亦多大家子弟其間固有識達事勢
頗知義理者自吾至此未嘗遣一人撫諭爾等豈可
遽爾與師剪滅是亦造于不教而殺異日吾終有感
於心故今特遣人告諭爾等勿自謂兵力之強更有

兵力強者勿自謂巢穴之險更有巢穴險者今皆悉已誅滅無存爾等豈不聞見夫人情之所共恥者莫過于身被盜賊之名人心之所共憤者莫甚於身遭劫掠之苦今使有人罵爾等爲盜賊爾必拂然而怒爾等豈可心惡其名而身蹈其實又使有人焚爾室廬劫爾財貨掠爾妻女爾必懷恨切骨寧死必報爾等以是加人人其有不怨者乎人同此心爾寧獨不知乃必欲爲此其間想亦有不得已者或是爲官府所迫或是爲大戶所侵一時錯起念頭誤入其中後遂不敢出此等苦情亦甚可憫然亦皆由爾等悔悟

不切爾等當初去從賊時乃是生人尋死路尙且要去便去今欲改行從善明是死人求生路乃反不敢何也若爾等肯知當初去從賊時拚死出來求要改行從善我官府豈有必要殺汝之理爾等久習惡毒忍於殺人心多猜疑豈知我上人之心無故殺一雞犬尚且不忍況于人命閻天若輕易殺之冥冥之中斷有還報殃禍及於子孫何苦而必欲爲此我每爲爾等思念及此輒至於終夜不能安寢亦無非欲爲爾等籌一生路惟是爾等冥頑不化然後不得已而與兵此則非我殺之乃天殺之也今謂我全無殺爾

之心亦是誑爾若謂我必欲殺爾又非吾之本心爾
等今雖從惡其始何是 朝廷亦子譬如一父母同
生十子人人爲善二人昔逆要害入人父母之心須
除去二人然後入人得以安生均之爲子父母之心
非欲偏殺二子不得已也吾於爾等亦如此若此二
子者一旦悔惡遷善號泣投誠爲父母者亦必哀憫
而收之何者不忍殺其子者乃父母之本心也今得
遂其本心何喜何幸如之吾於爾等亦正如此聞爾
等辛苦爲賊所得苦亦不多其間尚有衣食不充者
何不以爾爲賊之勤苦精力而用之於耕農運之於

商賈可以坐致富饒而安享逸樂放心縱意遊觀城
市之中優游田野之內豈如今日擔驚受怕出則畏
官避仇入則防誅懼勅潛形遁跡憂苦終身卒之身
滅家破妻子戮辱亦有何好爾等好自思量若能聽
吾言改行從善吾卽視爾爲良民撫爾如赤子更不
追咎爾等既往之罪如葉芳桡南春玉受謝于張賓
王輩吾今與良民一體看待爾等豈不聞知爾等若
云習性已成勢難更改亦由爾等任意爲之吾南調
兩廣之狼達西調湖湘之士兵親率數萬大軍圍爾
巢穴一年不盡至于兩年兩年不盡至于三年爾之

終歸不
忍殺妙
絕

則可以無憾矣。嗚呼！民吾同胞，爾等皆吾子。吾終不能撫恤爾等，而至于殺爾，痛哉！痛哉！興言至此，不覺淚下。

告諭頑民

頑民非
難勸之
賊討滅
宸濠之
後又非
兵力不
足之時
觀其反
覆勸諭

告諭安仁餘于東鄉等縣。父老子弟，自本院始至江西，卽聞三縣間有頑梗背化之民數千家。其時本院方事勤，平閩廣湖，擗諸蠻寇，且所治止于南嶺。政教有所未及，自去歲征討逆藩，朝廷復有兼撫是方之命，隨因聖駕南巡，奔走道路，故亦未遑經理。今復還省城，備詢三司府縣各官及遠近士夫，軍民皆謂爾

資治新書 卷六

五

財力有限，吾之兵餉無窮。爾等縱為有翼之虎，諒不能迷于天地之外。嗚呼！吾豈好殺爾等哉？祇因爾等必欲害吾良民，使吾民寒無衣，饑無食，居無廬，耕無牛，父母死亡，妻子離散。吾欲使吾民避爾，則田業被爾等所侵奪，已無可避之地。欲使吾民賄爾，則家資為爾等所擄掠，已無可賄之財。就使爾等今謂我謀亦必須盡殺爾等而後可。吾今特遣人撫諭爾等，賜爾等牛酒銀錢布疋，與爾妻子其餘人多不能通及。各與曉諭一道。爾等好自為謀，吾言已無不盡。吾心已無不盡。如此而爾等不聽，非我負爾，乃爾負我。

不恐加
兵此陽
明先生
之不可
及也

先子可
善以平
其心是
勸人良
法

民梗化日久積惡深重已在必誅無赦夫朝廷威令
雷厲風行于九夷八蠻之外而中土郡縣之民乃敢
悖抗若此不有誅滅以示懲戒亦將何以爲國欲即
發兵勦捕顧其間尙多良善恐致玉石無辨且前此
有司所以處之亦有未善何者安仁餘千里分本少
於東鄉而地勢又限以山谷顧乃割小益大以啓爾
民規避之端其失一矣既而兩邑之民徭賦不平爭
訟競起其時若盡改復舊亦有何益顧又使其近東
鄉者歸安仁近安仁者附東鄉以說爾民分爭之訟
其失二矣及爾等抗拒之迹既成尙當體恤爾等中

間或有難忍之怨屈抑不平之情亦須爲之申泄斷
理或懲或戒使爾得其平若終難化諭者卽宜斷正
以國法顧乃愞於身任於勞一切惟事姑息欲逃租
賦遂從而免其租賦欲逃逋債遂從而貸其逋債於
彼則務隱忍之政而聽其外附于此又信一篇之詞
而責其來歸祀綱不立冠履例置長奸縱惡日培月
熾以成爾民背叛之罪而陷之必死之地其失三矣
然爾等罪惡皆在本院未臨之前自本院撫臨以來
尚本曾有一言開諭爾等况查本院新行十家牌諭
以弭盜息訟勸善糾惡而各該縣官又因爾等特煩

梗化昔未曾編查。曉諭爾等皆未知悉。其間或有悔
創口新之願。亦未可知。若遠行擒剿。是亦不教而殺。
雖爾等在前之惡。受此亦不爲過。然於吾心。終有所
未盡也。近日撫州同知陸俸來稟。爾等尙有可憫之
情。各懷求生之願。故特委同知陸俸親齊本院告諭。
往諭爾等父老子弟。因而查照本院十家牌式通行。
編排曉諭。使各民互相勸戒。糾察痛懲。已往之惡。其
爲維新之民。爾等父老子弟。其間知識明達者。盍亦
深思熟慮之。世豈有不納糧。不當差。與官府相對背。
抗而可以長久無事。終免於誅戮者乎。世豈有恃頑。
樹黨結怨。構讐結衆。拒捕不伏其辜。而可以長久無
事。終免于誅戮者乎。就使爾等各有子弟奴僕。與爾
抗。拒背逆。若此。爾等當何以處之。夫寧王宸濠挾奸
雄之資。藉宗室之勢。謀爲不軌。積十餘年。誘聚海內
巨寇猾賊。動以萬計。奮其財力。甲兵之強。自以爲無
敵于天下矣。一旦稱亂。舉事木院。奉朝廷威令。與一
旅之師。不旬日而破滅之。如擄匹雛。爾輩縱頑梗強。
悍自視。以爲孰與宸濠。吾若聲汝之罪。不過令一偏
裨。領衆數百。立齏粉。爾輩如几上肉耳。顧念爾等皆
吾赤子。其始本無背叛之謀。止因規利爭忿。肆惡長

奸日迷日陷遂至于此夫父母之于子豈有必欲殺之心唯其悖逆亂常之甚將至於覆宗滅戶不得已而後置之法苟有改化之機父母之心又未嘗不欲生全之也前此官府免爾租稅蠲爾債負除爾罪名而遂謂爾可以安居復業是終非所以生汝吾今則不然不免爾租賦不蠲爾債負不除爾罪名爾能聽吾言改惡從善唯免爾一死限爾一月之內釋怨解讐逃稅者輸其賦負債者償其值有罪者伏其辜吾則待爾如故爾不聽吾言任爾輩自爲之吾心既無不盡吾可以無憾矣爾後無悔

招亂民復業

兵憲胡貞巖詳辨

爲廣門歸正之門以招亂民復業事照得樹嘉穀者必鋤非種安良民者必殲異類今查各屬自城郭之下逼地綠林倚山作窟者自恃爲負嵎之虎視海如歸者動思爲狎浪之鯨不思自大兵撲勦以來頭顱山積血湧成渠爲虎爲鯨者求爲腐鼠枯魚而不可得前車屢覆後轍相仍爾輩豈真鐵石爲腸絕無噬臍之念者哉總以心懷疑畏向善無門非慮官長之不容卽恐讐家之報復求爲良民而不得勢必以盜賊終其身耳今本道蒞任方新事事與民更始因念

今日之盜卽往日之民焉。知來日之民非卽今日之盜耶。以生來非盜之民與。可以爲民之盜。不思勸諭招徠。必欲置之死地。好生之義。謂何而必。爲此殘忍刻薄之事哉。所以下車之始。卽刊示遍貼。與爾等卽日來歸。活得一條性命。就如拾得一。件珍寶。何等快樂。誰料爾等恃頑如故。絕不體本道好生之心。必欲破本道嗜殺之戒。昨已會兵驅勦。生擒賊首王貴王欽楊總仔等。立行梟示。可見本道前日之勸諭。原非不善用兵。而故以招徠。誠拙乃有殺賊之能。而不忍驟用者也。今渠魁既經殲滅。何必更究齊從。故特再申前諭。以某月某日爲始。某月某日爲止。凡有從前作賊。悔過投誠者。自具改邪歸正甘結一紙。或願入伍。或願歸農。或赴該府縣呈明。或竟赴本道衙門投遞。悉從爾等自便。卽日安插。斷不苛求。仍移會各衙門。凡有讐家告害爾等者。槩不准理。倘能引導官兵擒獲賊首。又當破格獎賞。不在尋常歸化之例。倘過期不投。仍前負固者。則有王貴王欽楊總仔之律例。在本道反低眉爲怒目。欲彼時於刀下留人。恐不可得也。特示。

勸諭逃人

逃人示

青州周棟園諱亮工
河南人

為遵奉新例。曉諭逃人。自行出首。百姓出首。逃人各
全身家事。照得逃人之害。各屬無地無之。無歲無之。
受害不止一人一家已也。本道下車之始。深知此害。
業已通行諄示。為地方除害。無奈各屬未盡思慮。預
防以致逃人未完之害。從無虛日。本道細為諮訪。其
故有二。縣境寥濶。有司不能善行保甲。或行之不力。
者。或荒村僻落。或深山幽谷。挨查未及。以致容留此
其受害者一。又或逃人原係本地之人。或逃來年久
之人。有室有家。傭工耕種。地方隣佑。群居日久。往來

情熟。貪圖酒食。或因久不追緝。知之未真。不敢輕報。
或以報官之後。不肯有司。即僉鄉民起解。貽累不堪。
情願大家朦混。或一經首發。又慮豪橫。逃人誣指某
人欠我錢債。我有何物寄圍某家。官又不能折之。以
理代為索償。役又利於有事。擇人而食。甚至凌板方
硬之家。控同串詐。大家烹分。以致鄉民怕事。不敢惹
火燒身。寧可吞聲受苦。此其受害者二。直至事敗之
後。拘拿起解。妻啼子哭。家破人離。此時搶地呼天。百
方求免。如此森嚴之。

功令誰敢一毫遺漏。解到督捕衙門。逃人不過鞭刺

窩主新例責四十板面上刺字并家產發八旗下窮
丁兩隣十家長該管地方其房地入官妻子家產一
併流徙拋離墳墓妻孥凍餒永無回日不死不休止
以平日失於稽查出首以致舉家遭害如此爾民業
已習見習聞絕不回頭捫心思忖而畢竟以身家殉
之何其愚昧至此極也且逃人害窩主一家兩隣十
家長地方又其四家即窩主甘於窩逃或利逃人在
家可幫耕種或利逃人作伴以免孤單或原係親族
逃回親情族誼不能割絕或係親支骨血方以逃回
為快不忍出首解回而此兩鄰十家長地方有何利

益有何闊切有何情面亦不查不首自送身家本道
殊不能為之解也况今奉有新法如窩主出首者不
惟本身一毫無事而兩鄰十家長地方亦全然無事
如窩主不自行出首傍人出首者將窩主家產分為
三分內以一分給與出首之人如兩鄰十家長地方
出首者止將逃人窩主解部出首之人並不起解一
毫無事保全身家妻子永為田里之人歲時伏臘不
惟骨肉團圓而祖宗一脈不致流離異地出首之利
與不出首之害顯如黑白出首則可得生不出首則
死亡立致止在一念間爾民何不亟亟求生全求利

益而甘於送妻孥送身家卽一身不知利害當與父子兄弟謀之卽一家不知利害當與隣佑鄉黨商之凡有地方十家長之責任者當共圖生全共計安穩萬母希圖苟免如飲鴆服毒斷發有違速斷不能久安無害也至於逃人當思旣在旗下業爲朝廷之人當圖報效以求出身卽或一念之差逃出在外業奉新例逃人自行出首我主回來者免鞭免刺卽窩主亦行免究不惟逃人斷該自首以免貽害卽窩主亦應力勸逃人出首大家盡得生全相勸逃人如今

旨意這樣嚴將來必差官端拿你你難道躲得一世不成他當初留你也是好意你却纏成他做了窩家爲你一個人連累他一家連累兩隣連累十家長連累地方連累縣官府官又連累本道你也拿出良心來不如早早自首你想好好一個臉皮刺了幾個字在上面毋論無面目見人難道這臉皮不是父母生的辱親虧體莫此爲甚你今自首旣免了鞭子又免了刺字又免了累人累官有甚麼不好你苦肯自首我喜歡你不累民不累官又不累我你到縣中報知縣申送你到道我面賞一疋紅掛在你身上顯你是

個好人再賞五兩銀子做路費差人送你到京何等榮耀若執迷不省我生百十樣方法畢竟拿出你來不怕走上天去本道朝夕籌躋爲爾民計爲逃人口訛無踰於此今力行保甲逐戶挨查卽欲隱匿勢已不能如不出首法應照例問罪然一經發覺本道卽欲爲爾民求寬斷無此法不得不先期諄諄曉諭白示之後爾民刻刻思量見一個生面之人就要盤算一番時時稽察刻刻警心如慮本處官役不能免累徑赴本道稟首本道力爲爾民除害保全斷不令爾費一文斷不令爾有後患各宜猛省以副本道細細

訓示之意

鹽禁一章陋規類

通示各屬

兩淮張伯珩陽城人

爲嚴革陋規以肅鹺政事照得本院持斧視墾期於上廡國課下懸商民非端本則不能率屬非執法則無以格奸近訪得兩淮商心順逆不一網鹽墮墮甚多雖係積弊因循率由奸胥賸官廢法逼同奸商私相授受夾帶鹽斤毫無顧忌以致俸贖叢生課額拖欠若事犯本院之手持三尺法繩之不知何處是其生路也擬合先行嚴禁爲此示仰按屬地方官吏

卷六

三

及南北綱食各商知悉自後如有指稱請票呈綱所
江掣費小委掣費并關橋使費炭火等項各色私索
諸商縱令夾帶者許諸色人等許告到院定將斂銀
胥役處死夾帶奸商依律問罪如官吏入囊一併從
重叅拿決不姑貸本院志在澄清言出如山爾等各
宜恪遵毋致墮脛

鹽禁二 禁私販類

示湖廣地方

姜滙思

為嚴禁私販以肅鹽政事照得湖廣一省自承衡寶
三府改食廣鹽共十二府一州舊額派行大引鹽四

十二萬七千五百引

本朝欽定部引剖一為二例應行鹽八十五萬五千
引雖湖南等府正在用兵然用兵等府關係兩淮鹽
課者止長沙辰州常德三府靖州一州其九府雖戶
口難比疇昔亦不應如節年小引僅以三十餘萬計
者且強梁私販連鯨巨艘捆載萬億鹽斤而去者大
約以湖廣為歸市使戶口凋傷鹽無食指何以私販
行而官課絀耶總因地方官司蔑視國憲以鹽法
為可有可無之政以本院為不痛不癢之官當繹斧
誓停尤無顧忌坐使國家大業官課纒行五分之

三語切
中實有
非飲上

池水者
不能滿

一而私販實奪五分之四。營頭兵將如虎負嵎。巡緝官役如鼠出穴。兼之不肖官司。仰承鼻息。方且奉行私鹽。代為市鬻。有引官商守株延候。不免刁蹬法紀。蕩然後將何極。本院凜奉 嚴行緝捕。防杜亂萌。不公不法。即行糾舉之。

勅諭凡所轄行鹽道府州縣等官各宜仰遵 改絃易轍。以圖自新。合行嚴飭。為此示仰 頭將卒糧座兵船。敢有指稱兵餉等鹽倚恃大小衙門牌票。仍前販鬻者。即行擒拿報院。以憑飛章參究。如因循不行。覺察依阿。不能主持。通行賣法。本院即

以養好亂政遵照

勅諭就便拿問。決不姑徇。毋悔。

示江西地方

為嚴飭私販以肅鹽政事。照得江西一省除南贛吉三府分食廣鹽。廣信一府隸用浙鹽。其餘九府舊額派行大引鹽一十七萬引。今經制劄一為二。例應行鹽三十四萬引。自大兵大災。人民凋瘵。本院已牌行道府確覈戶口實數。要使鹽法定畫一之耗。然引壅課絀。實私販亂之非盡由戶口之凋耗也。本院凜奉勅諭。博採利弊。按查江省輿圖。四達向慮。閩廣浙鹽

有侵疆界。今時大蠹惟在營將鎮兵以米豆為由糧船官座以收攬為事。闖越關津。迨透市賣。淮鹽等鹽總入私囊。不可窮極。兼之江湖不逞。山野亡命。大捆小載。橫溢肆出。小民惟利是視。往往贍就私鹽。城社之憑。依既固。後徑之透入。更岐。侵課蝕商。大干法紀。合應嚴飭為此。云。凡水內兩商交易。官鹽有引票。可查有口岸。可考有水程。可數日而計。如附近勢豪多方攙越。并上下大小衙門營頭官兵及過往船隻。張膽販賣。恣不畏死。卽行警拿。報院以憑飛章。叅究。如不行覺察。依阿賣法者。定以養奸亂政。遵照。

勅諭就便拿問。決不姑狗。毋悔。

示高郵泰州

兩淮鹽院李望石 謹贊元 山東人

為嚴稽官引。以屏私販。事照得築鹽出塲。無論官私。勢必抵壩。往例州官鈐印限單。所以稽察公私也。向來法制廢弛。官吏悉以故套相視。一稱商鹽。便不復問。或轉售糧座。或私托營兵。北渡泗州。南侵江廣。為害不小。又有串棍影借商名。假托商親。照商春細。在壩上發賣。賣完復春。春完復賣。名曰串兒鹽。遇商趕運之日。則售商開橋。封閉之日。則售私。捕役往問。則曰某商某店。真假一時莫辨。更有實係真商。大船裝

三弊最難稽核

資治新書 卷六

三

芥子園

載引單兩無捕快不敢過問任其重複行私官役唯
知講明常例收筭陋規並不問其引單何處以致公
私混淆興販縱橫積弊相延已非一日屢經申飭未
見遵行不過以貧難醜販細事解報塞責即獲一巨
販又通同將人賣放鹽分數起假以獲鹽未獲人為
詞種種弊端深可痛恨合行曉諭為此示仰高郵泰
州官役各商知悉嗣後各商入場綱鹽務遵 功令
功令不許鹽引相離放壩官役凡有鹽船必驗明官
引然後印給照單如無引單兩據非串棍影射即奸
商重複當時封竿人鹽星飛報院如容隱不舉或經

本院察訪或被別衙門巡役竿報官役商棍一併參
拏决不輕宥

鹽禁三 禁仰價類

示江廣地方

兩淮 李潞陽 諱發元 商陽人

照得准商之困敝殆有不忍言者也歷苦明季套徵
守候五六載筋力俱枯方得掣運終苦于左兵焚劫
數百萬課本一旦填于逝波茲存在垣殘鹽商脈一
線僅繫于此前經封貯沒官克餉商盡星散本院客
秋蒞淮百計招徠不避禍患屢疏請留幸徼

俞旨還商其納課配引又重費數番貨本今始轉運
資治新書 卷六 芥子園

照例派銷江廣口岸而新鹽亦脚尾而至且江廣外
苦淡食思淮鹽顆粒不啻如珠豈從前奸頑尙敢循
習以成刁風操把持而倡禁價不知

新令森嚴阻撓鹽政卽虧損國課是先自蹈死法
矣除牌行該道訪拿外擬合嚴禁爲此示仰軍民人
等知悉各商載鹽負千萬重資冒數千里風波之險
來濟爾等淡食價值自當聽其隨時平賣倘有恣不
畏死之徒再肆刁難抑阻及借紳衿公舉限定賣價
若干不惟有虧商本而額課亦因之縮少許受害各
商將奸黨姓名飛馳報院以憑叅處拿問按新法究

監禁四論安業類

論商

胡道南

照得本院放告爾商紛紛具控頽呼消乏情詞沮切
本院不忍終讀因念昔年趨之若鶩今乃畏之如
此豈爾商甘心棄業其中實有所不得已也倘本院
盡去消商則國課何賴如必令行鹽者代賂毋論
一時已甚不堪至再且使貧者貧而富者俱貧斯亦
不終日之計也至于議令僉報誠非得已又恐舉之
不當反滋紛更卽公議僉同亦應具題覆允庶幾

施行無過幸此番振舉有裒在本院所可自信以取
信尔商者不過此綢緞撫恤之寸心至真至確斷不
托之空言爾爾商姑爲守業俟本院言之而不能行
行之而不得當積壅如前夙弊不改然後籲請未遲
爲此示仰衆商知悉爾等各安本計暫忍一時不必
紛紛呈擾卽僉報認富日應次第舉行斷不置爾等
于膜外也

諭新商

爲曉諭事照得僉補新商原與舉報富戶不同富戶
恐爲人物色慮其魚肉僉報新商上則有益國課下
則有利身家如差徭繁多既膺新商則一切可以蠲
免錢詐多端既膺新商則有司不便苛求甚且官僕
以禮貌人尊爲老成出人自出類加隆遇使爾等別
計經營則日事危險雖覓蠅頭微利終爲僥倖卽祿
祿庄田終歲辛艱所獲有幾豈能如轉運不竭揚帆
江廣獲利數倍試看舊商如林何人不從此起家何
事不緣此保護寧獨爾等卽爲苦累今既經僉定正
宜踴躍急公安心輸運乃紛紛告擾希圖倖脫不知
僉補事小違

肯罪大何其愚而無知一至此也合行曉諭爲此示

仰新商知悉。凡冊報互異，如有一人而名號並列，同居兩父子兄弟俱載，併夙昔富饒，今已凋落，及現充衙役，難以承認者，本院逐一確訪，另行改正。此外真正殷實，託故推諉，如鎮營情面說合招搖，與市棍把持而駕害商綱者，一經訪聞，本院立等提拏，除重責枷示外，仍以阻撓鹽政，據實題參，各宜自省，毋貽後悔。

鹽禁五 禁古窩古引類

均窩示

為嚴禁奸商射利占窩，以清鹽政事，照得兩淮鹽弊

湯今如
逐盡治
效之神
連如此
招徠增
養之力
詎可少
哉

不可枚舉。本院力行釐剔，漸可挽回。昔年承引，若手之探湯者，茲且如蠅之逐血矣。利之所在，固不足為爾商責。惟是占窩一節，已經告諭再三，爾商恬不知改，乃有一引不行，圍窩數十間，或行鹽數百，認引幾倍，取非其有，借此居奇。一時良商行鹽，反至無窩可給。奸徒圍引，任其勒價，而沽如此射利營私，深可痛恨。云為。此示諭各商，爾等可將行鹽數目互相稽察。如有借名行鹽，收圍鹽窩，即行首報，定將所圍之窩全給所首之人，或通同謀佔一槩，按律治罪。仍將鹽數報部充餉。若頃改前非，自行出首，除免罪外，仍

量給買富價值。分撥有力行鹽之家。如仍前勒索私
相授受。本院訪聞。立刻拿鎖。枷責不貸。

均引示

照得各商預納銀兩。具見踴躍急公。然納數浮于
外懸窩既盡。又復增行。雖為利一時。而貽累他日。故
歸綱庚子三項。本院力行停止。仍作附銷。無非為爾
商計將來也。但輸納各商。俱照本窩認納。派單支引。
而嗣納者。皆無窩可給。昔苦引多。今患窩少。不獲已
惟有分派一法。庶可均行。除一二首先倡義者准其
全算。此外照各商原稟。輸納若干。定以六分作正引。

四分作雜項。衰多益寡。彼此稱平。至于虛補未納者
定限三日全完。如逾限不納。盡聽納過者請單不許
借名虛估。除牌行運道公派外。爾商即遵照所派均
行。蓋前日之圍大小各商。既為同困。則此日之利大
小各商亦應並利。本院區畫至公。毋得乘擾。取究特
示。

鹽禁六 保安貧竈類

示各場

李潞陽

照得安東分司所屬十場。自悍藩踞。准擅改鹽場草
蕩屯田。致兵丁與總竈雜處。踐踏魚肉。百計欺凌。生

當未季欲恨吞聲莫敢誰何茲

清朝鼎革藩鎮已裁官兵盡撤本院督鹽兩淮嘉惠
撫恤惟有勸勉各竈乘時煎辦近訪得尚有無賴兵
丁假防守為名仍復潛擾各場以朝不謀夕之窮竈
何堪狠冷棍徒每一戶供養一二人割肉飼虎終成
大害除行淮海道查處外合行曉諭為此示仰各場
總催竈戶人等知悉凡有駐防兵丁必有一定汎地
倘有再踵前習徑至各家棲宿及索飲食供養者本
竈記其姓名并何營官兵密稟場官轉報分司擒拿
徑處如敢抗法即多差人役鎖解本院按以軍法捆
拏情節再重即移會督撫臬斬決不饒恕

救荒

賑粥示

蘇州張玉筍

東陽人

照得自夏以來雷雨連綿二麥沍腐米價騰貴貧民
餓餒道路呻吟本院目擊心慘已經出示勸諭素封
好義者罄廩出糶外遠近村落貧民竈冷厨冰者深
為可憫為此除本院捐俸發縣設粥賑濟外合行給
示曉諭為此示仰遠近軍民人等知悉俱赴各州縣
設粥處所聽候給賑以濟餓餒毋得攙前越後滋擾
不便

諭饑民

文太青

諭饑民本縣所給皮衣八十餘領出本道本府德意其輕賄并鬻換酒食者逐斥不許入厥

招撫流移示

縣內逃民一百四十七戶以官錢私債逼延故本縣下車未踰月而挾其妻子來歸者十有三戶豈非以本縣爲能勞來安集之耶如孫一增孫一峨等復業而好民有霸占其業不與致使抱贖辯控本縣大有鴻雁黃鳥之感有仍前霸古及以官錢私債逼使失所者從重究本縣卽無能爲小民修安堵異政此等情狀定不難爲爾等主持

禁閉糴

失名

照得台州四塞之區豐歲粟不能出歉歲粟不能入卽使五風十雨猶然九室九空兼之無千金萬金之家無斯倉斯箱之積一遇災荒唯憑賑恤如去歲火災瓦礫未掃今年水勢漂蕩忘歸六屬瀕海依山貧民一無所瞻目今米價高騰商賈稀少本府隨時開價觸目驚心爲此行文各縣除設法濟荒外凡在城在鄉富便之家蓄積米穀顧念梓鄉好行陰德盡行將所積稻穀出糶召買毋爲悵惜長價希圖牟利福

澤所貽必有陰報。俟米價既平。家給獎勸。如高價閉。濯坐擁素封。希圖來春覓利者。告發究處不貸。

庶務一 祈禱類

祈晴

秦瑞震

為祈晴事。照得插時屆期。商羊為虐。麥秋值候。化蝶可虞。本院日斷靈霖。愍昊天之不弔。心同芒刺。傷下民之共咨。合行爰禱。以祈晴霽。為此示仰文武官員。四民人等。知悉。本院于六月初一日起。秉誠齋戒。親率官民。赴城隍廟。致虔祈禱。務期修省人事。感格天心。取轉義輪。鞭回陽石。爾官民俱各一體齋戒。致誠。仍嚴禁屠沽。毋得故違。取究未便。

祈雨

為禱雨事。照得浙省連歲兇荒。民生凋瘵。今夏商羊肆虐。徂秋又旱。魃為災。若此雨暘。罔順。詎非居民上者失職之咎歟。本院與諸司。既未能盡人事。以副天心。庸可不省躬而弭天變。本院率先齋戒。及行布政司。督同僚屬。祈禱外。合行曉諭。為此示仰合屬官吏。軍民人等。知悉。務各齋戒。修省。停止屠沽。共竭精誠。感格天心。甘霖速霈。毋得視為故套。特示。

庶務二 勸募類

勸諭修橋

嶺南林鐵崖諱嗣環守憲

為捐募修橋事照得遇仙橋之設歷代有廢有興廢則庸吏因循所致其興皆賢刺史興之也然既稱賢刺史必不能囊有餘金又不能役鬼工而運神斧則竹木斤削之資不得不呼紳二父老共擎而後興之也夫為庵利浮圖者或捨宅或捐錫居者不德施者不慳無他以為福田在斯吾自下種耳然竟有種百千萬緡而身不受絲粟之獲者矣今東郭西村共限帶水舟人操一葉艤待滿而發舳與水齊截風亂流人命懸絲或春夏溪漲舟子停棹則販夫傭兒相守

務饑而城中萬民至累日望西河莖茹如珠無橋之病一至於此然則有能共成盛事與其所廢者福田直百千庵刹浮圖哉本道閩韶府橋志惟符公諱錫者修法極嚴今將祖其舊制云其費昔時物力煩盛用金四百今當倍之本道自節腹減膳僅能捐俸若干日來兵興民散訟庭走雀又生平心慈筆軟不慕人束矢之金抑窮果有命制之歟兩年積累其半以修學宮其半貯以待斯舉此外則望凡有趾有踵之倫必渡斯水者各發善心隨力投櫃貧者分銖可出不必怯少素封之家肯十金以外樂助者准具名

親報侯落成日本道另行獎謝異時以川爲地舍舟而徒車馬駢馳士女雅雅庶不使罷官鼓吻甘人而符公嚙噓笑我也本道故疾首感額而言之特諭

勸助修文昌樓

蔣楚珍

照得台才奇古隱秀蔚若鄧林本年並嘆芙蓉人遭接劍豈戰之異亦災之由本府權於理數天人之故受事一日卽躬爲料理翔建文昌閣務期星催雲集不敢或懈顧自上臺捐助及本府縣設處外尙祈紳同袍子衿顧惜文風共成美舉各捐所有庶幾盡竹頭木屑之功可奏神運鬼輪之力爲此仰本府儒

學官文限本月寫完憲簿上緊訊吉土梁勿得延緩

瘞棺骸示

秦瑞寰

爲收瘞無主棺骸以廣惠澤事據生員張文嘉陳善言等呈舉悲智義社瘞埋無主屍棺情詞到院據此爲照安葬定限清律所嚴掩骼埋胔仁政首及是以西伯溥枯骸之澤昌黎著旅櫬之文至今傳之甚盛德也武林五方雜處往往貧民病故始無棺槨繼無葬埋以致暴露荒郊心傷類泚今紳衿士民舉行悲智大社病濟以藥死衿以棺復又建置義塚骨塔安掩無主柩骸誠屬義舉本院已經助貲鼓勵外惟是

杭城風俗各山多有權厝寄塲之事年深日久或以無力或以故絕遂致棄露狼籍行道悽愴深可悲憫合行給示禁約爲此示諭士民人等知悉嗣後凡各處義塚城牆河灘廢寺空地諸所有暴露屍骸俱聽隨便燒埋其屋厝寄塲棺槨若係完好者安置勿動如年遠無人祭奠卽年近而棺已破散者必係無主之屍卽爲收瘞義塚以慰泉壤不許塲戶留難取究仍于埋處標識并置簿登記明白恐後有親故跟尋便于稽考其向來漏澤義塚原屬官地通着查出如有奸民侵佔漁利許指實呈首有司清查追究俱無違玩

募捕虎獵戶

爲嚴督捕虎以安民業事照得省城郭外山谷叢深向來未聞虎患茲當秋成之際猛虎肆虐出沒無常人民多被傷戕牲畜悉遭叨噬此雖人禍實屬天災記云苛政猛于虎爲民上者可無惕然于中乎頃據城西村外上房定北等園居民情詞投訴前來除經批發杭州府傳集獵戶赴院親訊聽候撥發標兵協同擒捕外合行給示曉諭爲此示仰獵戶居民人等知悉如有膂力勇敢之人能合力擒捕猛虎者無論

網羅機弁務趨秋深草木凋落之時設法捕捉獲得
一虎解官驗明賞銀二十兩如獵戶偷閑怠玩定行
拏解究比斷不輕貸

庶政

禁借營債

嶺南守憲林鐵岩諱嗣景晉江人

照得自雄來者皆口口稱雄民為營債所苦至於妻
女鬻質言之髮指本道獨以為罪在民不在兵夫兵
債之數日而利倍再數日而再倍又數日而三倍也
此其毒如烏喙長葛然烏喙長葛足以死人人知之
而不敢服故人之死於烏喙長葛者極少其以烏喙

長葛死者則皆其明知而故服之者也烏喙長葛何
罪哉不責服烏喙長葛之人而咎天之生此物以毒
人也豈理也哉今兵債雖狠豈能執途之人而強之
以借乎既已借矣而至期不還又安能責此輩以馮
驩焚券之事乎為此示諭軍民人等凡有狼心蕩子
再與營兵揭貸者是名以妻子為奇貨是明明欲作
亡八也該府察出重責枷示其為兵民居間者是明
以人之妻子為自己甜餌之媒當以掠賣人口之罪
罪之登時杖死然後申報夫兵亦人也亦有妻子也
何苦以有限之利息犯此深重之罪劫哉特示

資治新書卷六

墨

護屬處
由西安

優恤舖行

蘇州倪伯屏諱長垓長興人

照得各舖戶舖行供應上司公用支給年終類筭減半給價時或錢糧匱缺又復捱至次年積漸滋深終成鳥有舉筆僉票痛癢無關見單取物時刻不緩徒知左手右手之便不知一髮一膚之痛官票終年掛壁獐書怒目在門取之無禁查如逝水之波怒而不言忍抱經心之疾年終歲暮鼠伺公庭今日求銷巧筭明日立領開單然望望而前吏亦不筭筭亦不清清亦不給給亦不完年復一年取復加取至於陞遷交代積紙如山徒塵案牘雖供億日繁為炊無米歷

例相沿爾各行亦急公奉義視為固然然牟利幾何一塵莫保本廳念此痛心已經數月今代庖縣事誠恐憲節按臨上司公用朝需暮給取辦無窮自今痛除前弊每三月季終筭清給價庶母子可以相生錐刀不致失本立為定規甦商恤市至於屬官務須炤價現給一如民間交易官箴所係尤宜避嫌為此示仰各舖遵守

保墓清產

徽州吳曼殊諱晉昌河南人

照得江南處土程遠修名堅節卻聘辭徵者三十年品藻詞翰紙貴于世既以史雲之貧維摩之病兼以

流離四方不苟且於富貴不炫美于鄉里其原籍歛
縣托山家多落魄之人所有高曾祖墓數處屢遭族
人潛移妄發借名遷葬盜賣祀田盜砍蔭木甚欲
祖賣地種種悖逆喪心造毒已于天殃主其事者蒙
禍最烈死不知悔者可憫而難與救藥道不能行者
勸善而反招怨尤本府奉有徐孺之知豈不當崇其
錫類之護古人爲柳下墓禁載在簡編處士有祖法
宜兼重旣爲地方隱德人才且見村落虎嘯縱橫武
斷跳梁挾分之蠹傾陷人家子弟使上世之骨每淪
于暴露下流之輩日墮於喪亡大惡當除豈終漏網

本府採訪既真卽合付之于法處士反爲解免姑從
曲宥爲此曉諭仰其同堂叔誠基秦基二生率同鄉
保里冊勒石永禁凡已塋宋塋墳山不得仍前竒貨
再有無賴挾分犯前項不道者許誠秦二生家屬
府除將作亂子弟申以不孝之罪外仍將中牙及守
山人等重責枷示不饒其一應失業田宅風水祖父
戶曰老冊可稽着該冊追查三十年上下本戶未經
開分之物何人白占何年月日何人出筆何人代買
何人居間一一據實曉諭清復如有隱匿及負固藐
視者許處士家屬程元稟府并拏冊里一千嚴究不

貸此係本府法外施仁為爾族合門保命脈為爾族無知老少免刑措為爾族據業豪富惜身家爾族不少端良各宜自愛思之慎之

又

方璜諱起渭湖廣人

照得江南處土程遠護墓清業本府正堂示已詳悉凡民有罔有心誰不知遊義理本廳復三申之仰誠基素基二生為之誨誘周處改過立成大賢人人可躋曾因西伯感化立崇仁讓人人可期虞芮子孫保祖非一人之事異謀側口豈無悔心之萌其失業諸前兒賣弟存此天下定理據業之家毋得自欺自誤

速宜清吐不許朋謀負固以于法紀着冊里按三十年上下父祖戶口細查本戶山園出宅稅糧何年月日中人一切情蔽逐項問報火速清楚如復視布衣知名如草芥官府法律如弁毛即行拿來重究不貸

又

郝惟訓字念祖北直人

照得江南程處士遠保墓清業本府堂示已悉本廳深傷處士純以仁義為兵甲生平多自苦之行其一念故鄉先世不能混俗取容本廳重為勸飭護祖墓手孫之事不可假借清遺產子孫之分不容支吾概墓者理有必不得之實數據業者勢有必不得之便

王西樵
考功
上居今
行古如
程處士

稔僑其
 庶幾矣
 不觀三
 示嘆其
 有知人
 之明
 宜今而後誰好爲犯祖者之羽翼誰好爲吞業者之
 爪牙誠基秦基自當分司其責里冊清查火速開報
 如有受業單靠奸中公產僅憑私筆卽係來歷不明
 偷來之物本廳示之實勸之一經執法不少苟縱爲
 非之人何有族義不論名分遠近一體齊之以法各
 宜自擇毋貽噬臍

資治新書卷之七目次

條識部

議積貯

重積貯議

修城貯糧議

議城守

編籍壯丁議

議保甲團練

弭盜安民議

議海防

阮霞嶼

蔣楚珍

王蘭垓

胡貞巖

資治新書卷七目

答海防問

保邦十策之一

議海禁

責成防官議

弭變救時四款之一

議勦賊

勦山寇議

議漕務

善漕四款之二

議鹽法

絕私販議

吉女食鹽議

議詞訟

清里大案議

慎初招嚴覆審議

詳免提解議

議里役

汰冗役以甦里甲議

議荒政

救荒三十策之七

蔣楚珍

蔣楚珍

蔣楚珍

蔣楚珍

洪谷一

紀子湘

胡若海

趙觀退

紀子湘

方與士

洪谷一

毛南薰

屠赤水

議氏風

禁湯女典婦議

嵇爾遐

禁役保兼充議

嵇爾遐

禁婦女入寺燒香議

范正

清嚴主僕議

金長真

資治新書卷之七

湖上笠翁李

漁菟輯

積貯

議重積貯

金華阮霞嶼請元聲
司理四川人

積貯為城守第一務。各縣漫不經心。自來重庫輕倉。以致日侵月耗。近見倉穀俱被倉吏倉書庫吏庫書。借承賣承買之人。詭捏花名。乘推陳出新之際。公然侵用。一遇察盤。指少為多。堆壓倉口。封銀在庫。權抵一時。又用車袋借穀。蠲積如山。事已仍還。借主額中之物。尚然鼠雀為羣。况望其額外陳陳。如所云捐助。

資治新書卷七

輪納設法以實其中者乎合當以後銀兩俱責令買
穀上倉不許包封抵塞其歷年經承侵食務須追出
不許以人亡事遠為辭又本官任內積穀亦宜年年
買補不許臨時以庫銀點鬼去任以紙贖為災庶幾
兵荒無恐而出納亦嘗平矣

議修城貯糧

台州蔣楚珍諱鳴玉
金壇人

為城垣是處當修倉穀令人駭異事職蒙委察盤溫
屬如平陽城外眉畫兩山東西二翼去城僅百餘步
近因劉削磴巖俯瞰城中指數足踴具有可虞瑞安
山崎水環頗稱雄壯然飛雲渡澗五六里洪潮洞湧

城下城岷一刻可到對岸盡經燒燬未復且犁解船
少破壞儘多大島中島小島之類駕運多不過二十
餘名少不過十二三名一遇有事兩船併一修船添
卒此地當先樂清縣館頭最為要領燒燬之餘沿岸
宜立墩堡城牆經兩倒塌器械年深不堪高不能二
丈四山列座雲端二水浸滌薄壤上可投石低可灌
入凡此所當議修議築議造船添守者然猶曰增所
本無錢糧匱乏勢難驟舉至如倉殺以備軍荒入議
積貯第一此疎陳在內明明在冊之物因所本有非
覆所本無而大有可駭職從未察盤一見驚異伏思

月侵歲耗。雖積漸而成而已。往可追。將來必戒。若不仰憑。斧斷何繇。一斬乾沒之葛藤。立破侵漁之玉筮也。如先年那借。今年那借。既習慣為常。而先招追補。今招追補。歷五六察。未見一升一合。然則補于何日。追于何年。察之何益。盤之何事。乎經承點鬼一半。皆云物化。回文登答。動稱判骨難追。然則死者既無嗣。息生者豈無家產。往者既逝。流難問來者。又何為前車不戒乎。除倉吏年年消耗。外穀價之在庫者。庫吏又食之。穀價之承買者。穀戶又食之。或虧折化為烏有。或饑荒盡押放支。職在瑞安縣兩口。現追張饒等。

一十八兩還官。跡此推之。非盡死者不可求生者。不可問出者。官聽之自出入者。官不能勒之使入也。一則重庫輕倉。終歲未嘗過問。一則倉官猫鼠同眠。倉吏兔狐共穴。舊穀既糶。則此粟如雪花。盡散于空中。新穀發買。則此銀如落葉。難歸于枝上。不曰今年價貴。則曰明年賠償。其實具呈遞領之日。已立必升合。不還而察盤問罪。一遍之後。百事丟開。多方掩飾。不至于一粒無存。不止者。竊以為當開銷者。囑白開銷。當申說者。明白申說。當減豁者。明白減豁。至于當追補者。積至幾百幾千幾萬之多。曾無一黍一勺一升。

無心琢句而筆花爛然此情至文隨之驗也

之補壯哉鼠雀豈遜虎狼苟年年迫足些須亦可藉
成什百即使萬萬不可窮究亦當嚴立憲禁從此斷
絕將來庫吏庫書倉吏倉書承買承買之人一切借
支耗沒庶軍荒有備晏海無虞矣

城守

編籍壯丁

金華王蘭垓諱常熟人

看得警報一傳便議城守按聚計人在省城以救千
計在各縣亦以千百計若取之於兵而兵救無多且
各兵方將擐甲胃以待勦援安能供站城之用耶則
斷應借力民丁俾人自爲守若非蚤爲編派欲號召

於臨時不惟渙散難齊亦且倉皇失措又官府編派
往往舍巨族而問貧民夫貧民孑然一身何須護衛
所應護衛者正爲有身家者言耳乃富人不自爲衛
欲使貧人爲富人衛其可乎則不論貧富相應照戶
一體均派惟是屬之於官則小民聞之易於驚駭且
俟點候查驗廢生業殊爲未便此事必請鄉紳任之
每縣幾門每門幾坊各坊中有鄉紳則鄉紳董其事
無鄉紳卽孝廉貢監青衿擇一人爲領袖集諸約保
開報每坊壯丁若干名登記簿籍送之於官有警則
按冊按名一呼可集而城守不患無人矣

貧治新書卷七

四

保甲團練

弭盜安民議

興泉兵憲胡貞巖

看得立保甲設團練此餌盜安民之首務古人言之甚詳即今人行之亦未為簡畧而卒屬紙上虛文不能收其實效者非古人立法之不善祇以有司厭常喜異預視為塵飯土羹知其無益而勉強為之如小兒喜食餅餌而硬投菓餌雖入咽喉難歸腠理反不若哇而出之之為愈也今欲反虛文為實事令有司真切奉行非示以簡便易行之法與朝試夕驗之功彼未易中心誠服始終為之而不倦也何謂簡便易

今人通病此良法美政之不行于世也

余久持此論以告當事未有能行之者總謂班

行之法曰在用人力行四字如之意而已朝試夕驗之功即在用人力行之內未有用得其人行之果力而功效不立見者即力行二字亦即在用人之內未有用得其人而行之不力者保有保長甲有甲長鄉有鄉長即挑選團練之中亦有團頭練長往時皆以市井無賴及鄉民之豪猾者充之此輩利于有事不利于無事且素以疾貧忌富為心惟恐盜賊之不來富室貲財之不盡尚音出其死力而為損已利人之事平用此輩以靖地方猶之招虎狼以自衛列七首而防奸者矣竊謂十人之長必須才過九人始無約

生之言
平平耳
不意貞
嚴先生
已及見
之讀此
不勝智
愚同心
之成

危事而
以快論
由之妙
羅

束不齊之患故非才德兼優者不足以當茲選又須
擇其身家稍裕者充之何也身家稍裕則利害切慮
衛人即以自衛衛人或有不忠自衛決無不力者因
民之所急而急之故為力不勞而取效甚速所以用
人力行四字為保甲團練喫緊開頭慎此則撥亂為
治忽此則反治為亂所謂差之毫釐失之千里者是
也泉屬為濱海之區鄭賊招亡納叛不遺餘力他郡
從逆者尚有跋山涉水之艱未成先敗之慮此則舉
足一跨便是賊踪伸手一招即來狂烟是人人可以
為賊而戶戶可以藏奸者也若不急籌良策以善其

後則官斯土者能保一日無事乎木道視事之初極
目殘疆見此鳩形鵠面之民真有鄭圃所不能繪而
賈疏所不及陳者因思安民之策莫先于弭盜弭盜
之方莫善于嚴保甲飭團練遂以用人立行四字先
試于城內開廂約行保甲為之既驗始復由近而遠
令晉南二縣行團練之法于各鄉又為之既驗始復
條分縷析約法六款刊布各屬責其次第舉行因思
練總之設其來舊矣祇因且久弊生此輩竊威玩法
誣害良民因革去練總名色恪遵總督部院之示但
從而擴充之着落現年里役暨通都士民各舉一人

行台新書卷七

六

所云不
變者非
邪

從來大
有為之
人皆能
行所無
事之人
觀此益
見

必系所信服者以充鄉長督率本鄉之壯丁各置器
械家演而戶習之非其人則斥去弗用仍坐妄舉者
以罪苟勝其在則令有司優以禮數免其徭役使有
感恩圖報之心如是者數月漸有微效可觀不特家
嚴戶飭令奸宄無處潛踪即遇海氛告警亦自覺其
可防可禦近日鄉勇之中有能偵探賊踪以報官者
有能嚮導官兵以勦賊者間亦有能張疑設伏自擒
賊賊解官欲自顯其尺寸之長見上人選舉之不謬
者較前日聞呼不應督救不前反若有幸災樂禍之
色者不大相徑庭哉此非本道于古法之外別有創

建亦非于憲臺鈞令之外另有設施不過率由舊章
得其要領而已倘各屬有司從此益加勸勉似亦有
利無害若能点化膺服杜萌孽于將來是伏憲臺不
怒之公使魑魅暗戢于雷霆而雨雪潛消于晚眺也
海外一二遊魂行將不撲自滅又何難莫億萬生靈
于衽席之上哉謹呈原行練團事宜仰瀆憲聽倘有
萬一之可採則乞廣飭泉屬諸司戒勿始勤終怠酌
一定格註入考成俾本道一片苦心得歸于究竟之
地更乞通行福興漳各道交相為理與泉屬呼吸相
通共敦唇齒之義此亦下游難民望治之一端也伏

乞憲裁

海防

答防海問

蔣楚珍

伏蒙垂念地方而諭海上頗有聲息此游魂殘喙波濤竊發之嘗事本月漁船俱出追趕打票月盡漁船漸返颺浪將起賊亦遁逃無煩縣念至在我自治之道步步當緊着着宜先誠有如憲慮所及者仰體盛心輒自忘其愚陋謹以目前海務切要者言之言不盡意畧備芻蕘今台州將領動稱信濶兵稀救援莫及然則七百里海面必如擺邊守梁而後可以為固

乎此不通大較之論也竊以為道當扼要其省力備備之法第一當看風之南北如大汛多南風小汛多北風南風不必備南北風不必備北備北則順風以南為援備南則順風以北為繼之類是也次辨水北淺深如深水港則必非深水港則不必某處是塗某處是磯幾處五六月最深幾處九十月漸涸之類是也次觀潮之逆順如一潮半潮兩潮之別及有風無潮有潮無風皆不能行之類是也又次問陸之通塞如陸可登則犯陸不可登則不犯可登之處有人家則來無人家則不來之類是也數者既明則力不分

而備不多。筭有程而定有約矣。猶或慮其不足，則聯絡漁船，船長設法鼓舞，以壯我之聲援。如前以漁船為餌，後以漁船為殿，或稅其漁船為用，或倚其人以駕，或立長分，船編成保甲，或凌波出海，四散招搖，給以旌旗，付之鼓鏡，不必出方，開爭亦可。張疑設伏，不惟壯觀增勢，亦可杜絕通洋，猶或慮其登犯，則約束鄉兵，協力依法操練，以斷賊之近岸。兩汛之睦，意主于勦，則毋務張皇，必須四處匿形，暗伏以待其來。兩汛之前，兩汛之後，意主于守，則毋盡撤防，必須近處輪操，贛候以虞，其至所謂有事於外，不可不內嚴，城

與所口與陸之備，有事于內，不可不外嚴。大城小城，遠墩近墩之防，此虞其不虞，意所不意，尤近時賊智之同然。在我前車之明鑑也。分船之不如合船，一也。合為一船，不如合為數船，又一也。合為數船，以擴外險，不如守近險，以外險若圖鬼魅，近險若圖牛馬，的實不可欺，又一也。守近洋一處之險，不如樹疑于東，搜襲于西，將適于此，必取于彼，往來無定，自我易形，又一也。其間最要緊者，兵數不可不足，火器不可不熟，氣候不可不占，瓜探不可不廣，此皆事現成法，法具備，惟人不從，實做止圖虛應，故事以致卒然遇

變無所爲圖然此猶水面上事成功不易立脚亦難
至於衛所之城牆倒塌一遇上司經過將亂不堆積
以掩耳目則修城不可不急也舊時軍足爲守世墮
亦多長進除台州衛運糧罷敵而外各衛所食糧諸
軍俱當按籍情出不許出城離城隱占名色則屯軍
不可不清也海門險在江口礮頭現有小堡止有土
壘虛飾若使據險內敵豈不可虞其餘各處亦有險
險近城猴墩全壤灌莽荆棘者則舊堡不可不立也
嚴十家牌申明連坐之條出首之令稽察出入村絕
酒米什物入海通洋務要真贓實犯則接濟又不可

不絕也設衛以衛府縣設衛兵以衛一郡民生若使
賊不登犯便爲無事豈必爭命洪濤立功水上則防
陸路塞隘徑尤不可不視爲要着也凡此猶就台州
一處言之耳統其大勢温州爲來路寧波爲熟路台
區爲要路溫衝最矣當以台爲之肩背則責在洋遊
洋遊爲台亦爲溫也台患次矣當以寧波爲之唇齒
則勢在桃健桃健爲台亦爲寧也温州有能戰之人
難在駕馭非待之以誠懾之以智則力不爲我用台
州無能戰之人堪戰之船難在修舉非搜集武勇揀
選世職使貪使過作養人才寥寥數輩庸有濟乎總

之海上爲用兵之地。兵可不用。斷不可以兵爲諱。除道府參遊而下各廳各縣。誰非料理兵事之人。苟以簿書爲得意。以安攘爲迂圖。人不開心。夫誰問及。今一洪波數千里。所恃以不揚不震者。惟老人日營意匠。思患預防之心。屬在下僚。並當仰體卽線力薄材不足分猷。其念自己地方自己身家性命。何可以無事爲優游。以先事爲急遽乎。

保邦十策之

浙海之患倭什一。患賊什九也。浙海之禦倭有成法。禦賊無成法也。占風望雲。隨潮避浪。定南北控魯洋。

偵大汛小汛。儀分舨合舨。或憑船力。或憑火力。福茶。跌曉。東鳥之類。大碩小碩。佛狼。穢百子。銳之類。大率因倭爲勢。隨地制宜。其法生于治外。而今則所患率賊賊非倭。比出入無常。期往來無定局。聚散無成形。星暮無定刻。所驅者卽內地之人。所奪者卽內地之船。所過者卽內地之信。所取盈接濟者卽內地之酒。米。奔突搶掠。或在汛前。或在汛後。或因漁熟。打浦。打粟。或因穀熟。搶穀。歸船。我去賊來。我來賊去。我出汛。匿影潛踪。我撤汛。東趨西犯。陡然相遇。往往開潮逆風。我勢不利。孤踪單舸。四應實難。故動有差池。策無

全勝夫盜賊何常之有前賊甫平後賊又起凶年饑
歲父子兄弟之相招此出彼沒左右隣封之流聚居
今而籌善後之宜防陸者必于海防海者必于外海
其說是矣固處處有險節節宜防兵稀信濶安所得
樓船橫海入蜃市而蕩蛟宮也備遠失近備一失二
將奈何禁寸板不許下海其說是矣願遠海以海爲
田漁爲命奪業失產不盡驅而漁盡驅而盜次將柰
何故後談外險藉自搜洋皆武弁矯飾之請而商漁
不能禁其不去盜賊不能禁其不來仰惟是設法變
通增損舊制審觀治賊與禦倭今昔異局船製不同

控扼迥別當汛以出險爲功當汛之前汛之後一意
以水操爲主近洋日逐簡練轟雷在天金鼓起沸夫
誰不警影寒心如白海一區分爲十五信合六大船
三六九之分番左右中之更迭卽亦何嘗不息其勞
習其筋與骨也而最要者在嚴賞罰之令絕接濟之
門廣烽燧偵探勤策應救援一切新造之船取其快
便新鑄之器取其輕圓且捕舵旋之各熟其技疑伏
誘之工中其機有備無虞夫亦可以宴洪波而不震
矣又何必堅壁清野防賊如防倭哉

海禁

責成防官議

蔣楚珍

海洋接濟為禁極深所以慎軍機而絕盜藪也海盜無水則死無米則死勢不得不因內地漁民為接濟所以一犯接濟梟示無疑然近年冤濫最多號呼滿地蓋因漁船被擄打票父子兄弟誠有齎銀救贖者歸未半月為警告發武弁貪功即訪拏根究以接濟為名誇張旋老艮老之號株連船主顧主之人上臺深知此弊宛轉求生然往返解詳庾死已半職初到台州以陳行托等一十三命力爭面奉憲駁不敢少回續蒙本道開豁死已殺人竊思台區數十萬金錢養采干悻卒縱不能使漁船之不被擄豈不能使漁民之不能接濟且瀕海出入有港非深水港不出非深水港不入者可擇出者可關與其求生于既死之後何如救死于未出之先察得稽察漁船出入舊有一官因官多不肖遂行裁革若使以接濟有無責成委官官為連坐則酒米且不出洋何況火藥鐵器違禁下海之物哉

弭變救時四款之一

看得海禁之宜嚴不待一言而決計也倭之不敢越島嶼窮洋而內犯者一則海水中高一則險夷未熟

一則船製窄小，船多平底，帆多蒲穢，油膩既少，草塞不堅，不過順風不行，不候陽月不集，非有中國奸人向導，倭未有敢越島嶼窮洋而犯內地者也。今海禁言聞，將以規番船之利也，而適以貽內地之憂。倭來倏去，出沒無常，為盜為商，莫可別識。夫關梁壅塞，天之所限，人莫能違。樹限塞違，非徒防外寇也，亦以內絕奸民之亡命投荒，負罪闖出者。若使縱其交易，利與相通，則滿我情，以導彼欲，一三之率，連春夏秋之制，涉益復楛，其船製習以火器，所至無非何導之人，所道無非熟識之地，此何待扼我魚船，奪我舵斗。

倣我犁庭，古了驅我貧民，曠卒倏然登岸，東西奔逸，而後是其貽患不測，故梟不鳴，非不鳴也，對不食，非不食也，絕之限之多方，柵之鍵之而猶恐蟻潰針疎，引奸誘盜，資器齎糧，而彌耳俯伏，見華衣美食，而力能制之，不為盜者，未之前聞，編號取結，給此連坐，痛絕航海之徒，深嚴出海之禁，庶幾人有畏心，絕其滋蔓，召寇之端耳。

議勦山寇

韶州洪谷一歛縣人

看得古今治賊之法，有勦與撫二者而已。賊厥渠魁，脅從罔治，此則為首者必誅，而餘黨方貫也。既往不

谷咸與維新。此則未撫之先。猶准悔禍。既撫之後。再犯必誅也。今龍門長寧從化增城數縣之山賊。自國初嘯聚。以至於今。不可謂不久矣。焚寨破圍。捉人勒贖。不可謂不慘矣。盤踞數縣之地方。結連營寨。以百十計。不可謂不多矣。屢匯官兵之進。勦公然負固。不可謂不逆矣。此皆法在必誅。不俟再計者。然旋撲旋起。旋散旋聚。其故有三。一在地形之天險也。各縣賊寨所在。皆深山大澤。綿亘數百里。層巒疊障。險阻可恃。兵至則四散奔竄。追覓無蹤。兵撤則勾黨復聚。又行劫掠。此其遺誅者一。一在藏身之巧庇也。紅頭

白頭等賊。皆能從長寧數縣之民。身標販籍。戶納糧稅。與竄身山谷。亡命嘯聚者。不佞故在本縣。則為耕鑿之民。而在他邑。則為行劫之賊。且其聚族而居者。皆為賊黨。比閭而處者。俱屬賊窩。官府有所稽查。則回其結者。是賊。遞公呈者。是賊。而其領狀者。亦無不是賊。縣官幸境內之無事。卽苟且塞責。以回文而違詎他邑之人民。他邑之廬舍。乎此其遺誅者二。及賊首共指矣。賊巢搜索矣。此則法在必誅。無可赦者。乃又以招撫二字。為護身之符。蔡良屢招。屢叛之渠魁也。今則充為爐頭。張龍聚眾行劫之老賊也。今亦稱



爲投順賊首不但不誅反從而受賞賊黨尚何所顧
忌而肯革心此其誅者三合蒙憲檄會勦嚴查叛
黨有無已撫復叛職不敢妄爲臆對但據本年六七
等月象岡司申報地方失事情由皆稱蔡良借爐頭
爲名聚賊行劫坐地分贓而生員陳五典具控按院
亦稱蔡良以開爐納餉爲名交結賊首張子龍等行
劫翁英地方又某年某月某日三華鎮兵解到活賊
林元古通明等審供係賊首張子龍差來行劫等情
業經詳報在案則蔡張已撫復叛昭在人耳目矣
至若諸賊屯聚之巢屢據地方聞報及賊黨日供相

龍門則有永清三坑鴨崗羊屎坑等處在從化則有
相公崗十八山湖塘羅崗高爐合水等處在長寧則
有思茅崗五花岐菖蒲桃崗等處在清遠則有白花
爐巴江新爐觀音鄉白水礮等處或爲接濟之所或
爲勒贖之窩所當分別進勦以靖根株者也至若賊
首著名屢經地方揭報者如某某等或以投順而
仍做賊或陽就撫而陰行劫所當嚴行搜緝梟斬以
快人心者也至若官兵從入之路翁源已備列情形
而小民受撫之害英德已畧爲陳籲此在專閫外之
寄者確詢地形當機決策或先攻其所難則餘壘自

下或先破其所恃則賊勢自傾轉採輿情參以獨斷所謂兵家之勝算不可以先傳者也倘有賊巢當搗賊黨當誅者該縣印官猶為庇護須責取印結存案倘班師之後賊黨復出行劫則坐以縱賊殃民之罪庶不致庇本邑之賊而害他邑矣某其賊首有曾經投順未有顯叛之跡者須調之軍前編入行伍使離本巢庶不致陽借投順之名陰行盜劫之實而善後之策庶幾可講矣夫好生者上臺之盛心招撫者行軍之善道而職必以勦之之說進者益誠有見於此賊之狼心不改鷹眼猶存固非撫之一字所能結局

絕世名
言非陽
明不能
道非谷
一不能
述

者也先儒王文成有言曰盜賊之性雖皆兇頑固未嘗不畏誅討惟為之而誅討不及又從而招撫之然後肆無所忌蓋招撫之議但可偶行於無辜而不可常行於長惡可一施於回心向化之徒而不可屢施於隨招隨叛之黨故其撫贖督粵皆以征勦安地方澤流當日聲施至今此禦寇安民之榜樣也不然作賊只有利而無害賊何憚而不為賊良民只有死而無生民亦何苦而復為民卑職目擊難民之慘不禁其言之憤切也伏乞憲臺斧斷而亟行之

鹽法

資治新書卷七

十七

卷之四

議絕私販

壽昌縣令胡海若

竊惟正引之壅。繇于私販之興。而私販有二。有引中
之私有私。中之私。所謂私中之私。其一自塲面水流
濱裝載是也。其一自舟而陸。河灘泊次是也。海濱之
私。止行海鄉。河灘泊次之私。其行於山鄉者。三。又兩
岐各縣交界。邊鄙之所。公然接踵摩肩。盤山越嶺。圍
戶販手。僑僱無賴之民。此往彼來。沿門逐巷。民至有
足不入城市。買官鹽者。正引安得不墜。私販安得不
多。商安得不告困。告板告退。逃亾纍纍也。然此猶屬
引外者。耳。至引中之私。每包借名餘鹽。公然夾帶捕

不敢問。官不得知。折節分簞。炤引驗憑。在賣起過。無
課之鹽多。納課之鹽少矣。今憲法之所行者。莫嚴于
捕。然而捕無其人也。莫嚴于掣。然而掣無其實也。掣
無其實。既有奸商夾帶之弊。捕無其人。則私販公行。
即使捱名輪。点官明扣其工。食誰復責。以鹽勸勢。必
至于賣季。買季。銀入手。猫鼠同牢。捕既無益。因而
議革。議革之後。私販何窮。故欲嚴捕之法。莫如責成
於縣。而縣以官引之壅。不墜。正額之不足。為驗。則
勢不得不勤。於比較。欲嚴學之法。莫如責成於廳。而
廳以陋規之革。不革。弊竇之清。不清。為據。則勢不得

不力爲搜剔搜剔則夾帶扼于通津比較則私販窮于小路如猶慮其私賣則私買者亦可申之于保甲如猶慮其私買則私秤私筒者亦可絕之于牙行若是而或有不行則各縣有均引之法食鹽與戶口相配一縣食鹽之引目與一縣相配苟分一縣爲四鄉分四鄉戶口多寡配與應得引目則引均而引不得壅外此又有均商之法山塢僻壤食私鹽則不出戶庭食官鹽則動經百里利生于便不强所難住賣商人舖戶既均與四鄉應得引目則宜因舟車之便擬運水頭村集不至道里遠使食鹽買鹽之人或出

數十里之外則商均而引又不得壅緣是以大年之引定爲十分以積年所壅之引分別帶一二分壅引亦可漸通而况本年額數猶有不足者乎產鹽之地如故行鹽之地如故食鹽之人日繁日費而鹽則行不逮額此無他各縣以鹽務爲末節以察鹽務爲虛救壅而不行呼而不應之故也

食鹽

湖西 趙韞退 諱進美 守憲 山東人

食鹽爲日用必需吉屬之民貧儉性成以鹽代饌而苦於一粒一珠蓋湖西三郡皆食北鹽吉安獨食南鹽南鹽自粵東運至陸有梅嶺之峻水有十八灘之

險負販艱難。不得不騰其價。查吉屬各縣。或近臨之
峽江。或近袁之分宜。或近撫之樂安。諸邑水陸兼通。
道路叢雜。營兵船隻往來。未有不捆載而至者。雖私
販有禁。而譏察實難。以北鹽而遼南鹽之價。是所利
在兵而所困獨在民也。合無從長酌議。軫念湖西三
郡原屬一體。題請吉安九縣改食淮鹽。若慮廣東
鹽課有缺。卽以所缺之額增於兩淮。是於國課無損
毫末。而古屬黎民以口計之。則歲省金錢數萬矣。所
省之金錢卽勾上完公賦。豈非公私兩利之道哉。

詞訟

清理積案

杭州 繩子洲 文安人

爲大獄之積案。宜結各屬之責守。宜均。懇立成規。以
免違悞事。浙省訟獄繁多。除大辟以下者。弗論。如人
命強盜諸重情。其間屢駁而未題。及已題而未允者。
常有數百件。司府縣獄所繫者。不下千餘人。職爲刑
官七載。經千訊問者。亦難更僕數矣。每於披卷沉吟
之際。未嘗不惻然動念。而歎應死者固多。不應死而
死者亦不少也。考其犯罪之時。多則七八年。少則四
五年不等。其間承問之官。由院司而至府廳。不知歷
幾十輩矣。案日久。則情日變。情日變。則招日更。徃

新書卷七

三

以斷主
之審
主寫憫
世之若
提心
得不
概盡

重犯未正典刑而于證被害反拖累致死者質證無
口則展辯得以自由問官屢更剖口供亦難畫一令
判斷者何從下手且因獄少犯衆穢氣薰蒸釀成痼
疫瘦斃甚多即係真盜真兇不令死於法而死於獄
亦失明刑慎獄之初意况多疑似而可矜者乎其
以歷年既久而不結者良亦有故蓋以從來大獄必
待題允之日方是結案之時各憲以重獄繁多不能
一題而盡每疏不過二三十起餘盡駁司覆審以俟
再題司爲承上接丁之官勢必轉批府廳府廳或因
事從縣起又必行縣覆查根據展轉羈留欲其不致

既段附
裏從未
經人道
破是創
論又甚
真情

情至之

經年累分不可得也其間且有干證事主累斃質證
無人不能定案者有因年遠勢殊前官所審之口供
與後官不對不能成招若又有證佐被害拖累日久
精疲力竭止求免禍不願復讐自改其口反爲重囚
出脫者種種情弊皆是羈延時日之由沉攔憲案之
故若非究根源立法更始則新舊相因大案焉得
有清楚之時而囚囚狂狴焉得有空虛之日乎更有
請者從來十一府之大案勢必盡歸本司而大案中
有名重犯亦必隨招禁於司獄房舍有數而人犯無
窮每入其中見此輩林林濟濟如蜂如蟻覺世間因

資治新書卷七

五

芥子園

文自餘
庄趣

犯多而人民少，殊不知為各府各縣之重囚，非一州一邑之罪犯也。查各省通例，某府盜情人命，必責本處道府廳縣訊鞫成招。人犯即監本府，或有招情未協，亦必在初審兩月之內，駁訊明確。其時賊證現在詞內之人，一呼可集，不特真偽易分，亦且不費時日。只將解府解廳解司解院途間奔走之日期便可歸結。此案况有差役拘提吏胥捺攔有呼不應，欲審無由之歲月，平直待大案將定始駁本司衙門。一加平反定案之後，仍將本犯發回本處監禁，招情若無疑竇，即准具題。若是即有疑難重獄，未嘗不於一年之內定擬發落者也。豈有延至數年之後而尚煩批駁者乎？以數年後之批駁而欲責承問之吏，必得數年以前之確情實非易事。雖曰不寬吾不信也。伏乞憲臺俯採未論，著為成規，並將已前未結諸大獄，刻日會同司道府廳逐案研核，務求明允，不致以後再駁。肅清既往始可整頓將來。此卑職仰體憲臺慎獄祥刑之至意，而從長計畫，以求無弊者也。伏望採擇施行。

慎初招嚴覆審

衛州 孫沂水 常熟人

為讞決關係匪輕，謹陳膚見，慎初情慎覆審，以仰佐

明允事照得易無留獄。明慎爲先。書著詳別。簡孚乃聽。惟一成而不可變。故三刺以斷民中。誠有之也。查律載大辟二百四十一條。罷民易犯者。無如盜賊人命。竊見爰書中。人命以下。手不真。致滋辯寃。或數人毆一人。輒藉在逃者。互相委卸。究竟有脫抵之元兇矣。盜賊以贓物未的。致礙成招。或一案掛多人。輒因無主者。更肆罔誣。展轉多橫生之藤蔓矣。凡此總繇初情之茫昧耳。夫初情何在。則人犯甫到。官造次之頃。安排不及。三尺臨之。尚爾知畏。察詞於差。庶得其真。若一繫囹圄。狡智百出。淹延日久。變態日生。甚至

後。讞與前。証絕不相蒙。雖欲爲五聲之聽。其可得乎。竊以爲人命初報時。卽審定某係下手某係加功某係餘人某係見証或手足或器仗一一確註詳中。不得空請簡驗也。強盜初獲時。卽迅起贓物幾件。令失主認明某人盜某家。現獲某贓。經某失主認領。一確註詳中。不得空列姓名也。初申有據。則歷訊難移。此後之紛呶永息矣。至駁審一節。上臺原爲死生嚴出入也。乃問官不免泄泄。一經批駁。沉閣多年。設皆重辟。卽殛死無辭。乃一招之中。有徒有杖。以正犯未結。每致餘犯監斃。干和孰甚。卽令保候。而數數

勾提類類解審其磨累已徹骨矣職以為駁問招詳
宜鞫問刻斯審結如情節罪犯應配應杖鞫問允孚
果與正犯無開者先行摘發其大辟不妨另招報奪
庶分輕重之衡以明上下之服株連可省所全者不
既多平益謹於始則疑獄不生斷於終則滯獄一洗
是亦弊訟之大端也伏祈憲俞申飭俾各屬一體奉
行將冤濫清而貫索無非恩造矣

詳免提解

韶州洪谷一諭縣人

命搶劫錢債田產虛辭聳聽者甚多應該本處有
司審究明白今省下人告欠債搶餉人命強盜皆因

本處有司不如其意越跡于上提解牌內人犯定四
五十名稍遲差官催提釜魚几肉民未至省已傾家
破產逃亡大半矣至省隔別人犯私禁拷打倒提年
月勒次帖寫服辨方許帶到及堂官會審即執欠帖
服辨為據監追認罪無辭家屬解斃者監斃者逃亡
者株累傾家者無所告訴亦甚寬矣且粵地民猥雜
處倚山靠崗則為人怒則為獸最難勾攝一聞提
解如置死地雖諭以上人德意彼皆視為讐仇急而
走險率入盜穴提解催追比差比保與里呼隣騷擾
地方雞犬不寧况粵烟瘴地面提解人犯愁苦內傷

寒熱外感飢飽不時動犯瘧癘中途病故不可勝數
伏乞批行司道酌議凡奉藩院批詞轉發本處有司
審究詳啟批奪盡免提解至各府詞狀不批隔府卽
行該府有司就近審結如有重情駁審摘解繫犯三
四名不必多拘庶解累少豁民冤得伸而無株連騷
擾之患矣

里役

汰冗役以甦里甲

蓬州刺史毛南薰諱賡南鄭人

里甲花費雖云一年之勞博九年之逸其實積九年
之苦爲一年之勞也如出卯有卯錢出限有限錢保

家有歇錢總催有工食錢比較有費收櫃有費貼解
有費做官工備料有費諸費不可枚舉官府付之無
可奈何然就中如解京解司解府解軍前解木邑鋪
墊水脚等項誠有不能裁減者役鬼無方點金少術
至如衙役需索總催工食一切卯限收頭之類種種
可革原其所自皆因一州冗書以數百計冗役以數
百計掛搭以數百計此輩既無工食又無詞狀排差
攘攘何爲非餐風吸露之蟬則飛翼食人之豺與虎
也若使官無冗役自然民無冗費一番里甲不至傾
家廢產則人人樂爲自無包當攬納既無包當攬納

則錢糧清楚亦無積逋牙完之受累矣

荒政

救荒三十策之七

屠赤水諱寧波人

一曰行官糶之法以資轉運夫境內災傷野無青草將議賑濟則恐官府之困廩有限議勸借則恐地方之殷戶無多最善之策則有官糶一法官發帑銀若干轉糶於各省外郡豐熟之處歸而減價平糶於民委用老成員役分頭往糶每發官銀一千兩先糶五百兩至而糶與饑民卽發後五百兩往糶先五百兩糶完而後五百兩繼至後五百兩將盡而先五百兩

此法妙
絕如人
糖之范
水何憂
匱之

復來如此轉運無窮循環不已則百姓雖丁凶歲實與豐年無異積穀之家雖希踊貴而官府平糶之糧日日在市彼卽欲獨高其價勢有不能漸近有秋閉藏無用則亦不得不平價而出糶矣如他處米穀不足則雜買荳粟薔麥蕎麥粉芝蔴之類並足充饑民恃無恐况豐熟而還帑官銀不虧那移以逸民民饑獲濟若委用得人必無他虞卽勸富民自以已資來往糶糶彼必樂從較勸輸財助賑爲何如也若附近州郡無豐熟之處不妨稍遠所貴見災而懼先事預圖惟出糶之時須設法禁約糶者必係真正饑民

人不許過三石。毋爲商牙搗販者所欺。尤當嚴戢胥吏。誅求役人抑勒。此不能禁。事无解矣。

一曰勸富戶之賑。以廣相生。夫富者珍寶豐盈。身而外長物耳。倉箱充溢。一飽而外。何加焉。卽令百姓垂罄。而吾安享饒腴。萬一民窮盜起。戈矛相向。雖有粟。吾得而食諸。而富者雖有所積。未聞軀命饑者稍得所濟。實延餘生。以吾未閔軀命之糧。而爲彼實延餘生之助。府官敬之。百姓感之。而又有陰德。何苦不爲。又須懸賞格。以勸民頒科條。以鼓衆。或量其所捐。而優以禮貌。風以折節。獎以旌扁。榮以冠帶。富民之

所最欲得者。給以印信一帖。除重情而外。預免其罪。責一次。令得執以爲信。彼見吾之中心。款誠調停。詳安好義者。必爭先貪佞者。亦勉應矣。但惟宜行勸誘。聽其自願。不宜妄行科派。強以不堪。其最要者在有司。先自捐俸。夫有司之俸。幾何足以賑卹百姓。然而假似鼓舞倡率。使士民無辭者。則在此也。

一曰詳村落之賑。以遍窮簷。夫顛連無告之民。城市尚小。村落爲多。有司之行賑濟。往往彌縫於城市。而疎脫於鄉村。城市之中。饑戶稍有賑濟。以爲觀美。而不知窮鄉僻野之間。橫於道路。填於坑谷者。不知其

幾必也多方撫循加意周徧無遠無近皆吾赤子近處則正官親臨遠遠則委用廉幹而詳於防範嚴於稽察使無不均之嘆可也

一曰行食粥之法以濟權宜食粥之法為極貧者雖得升合之糧不便炊爨日煮粥以飼之賴以全活顧所最忌者羣百千人而聚食一處遠涉者不及食粥而或以道斃羣聚則穢熱蒸染而易以生災甚而管粥者尅米而多撓以水給食而不惟其時欲以救民之生反以速民之死須慎選員役必躬親考覈峻加詩治斯役人不敢作奸悉遵法令逐鄉而煮分置而

有救民而無術適以害之者此類是也

又有謂賑粥散米皆不

如給錢者以散米有弊而散錢無弊也亦是一法

食煮必以潔食必以時如古者按時刻照人救糶旗引隊羣而不亂此法可行也要之愚意煮粥終不如給糧零散終不如頓散耳

一曰戒抑價之令以來商糶夫民情之趨如水之流順而導之則通壅而過之則決荒年穀貴民誠不堪有司不忍穀價日高以病小民乃今抑減時價定為平糶此令一出則他處之興販者畏沮而不來本境之有穀者閉糶而不出民食愈乏人情益慌強則有劫掠弱則有餓死而已故貴設法調停合穀價聽時低昂不强抑減而出官銀以行運糶郵商價以來與

賙請皇恩以開賑濟懸賞格以勸富民悉力調停漸
近食新則穀價不減而自減矣

一曰申保甲之令以遏盜賊饑荒之時盜賊易起喘
息餘命斷不能大謀橫行不過為鼠狗之計以苟且
夕蟬蛸之生姑息而不為之撲滅則燎原可憂輒用
重典而悉置之法則饑寒可憫防戢而底定之力可
無術哉但獲饑盜為之大張其威聲稍寬其捶楚待
以不死號令於市以令喧傳當自解散

一曰省荒後之畊以給將來大饑之後不惟民食艱
乏即畊種亦苦無本具吾為省視畊種無令者量濟

之無農具者量區處而給之或勸富戶借食借具於
貧民而令貧者為之出力畊種以補之或待收成而
以糧食償之有司須於畊種之時暫輟政事親歷各
鄉補助勸率百姓見上人留意農務有如此自然勤
奮境無惰農農無荒業矣省畊省斂古人所行今何
廢也

民風

禁溺女典婦議

稽爾遐

天地以好生為德婦道宜從一而終嚴有溺女之俗
無論貧富皆然夫虎毒且不食子况於人乎矧此呱

呱而泣者甫。肇生機旋罹死法是可忍也。孰不可忍。至於貧兒乏食則出典其婦。婦若生子子屬彼而婦仍歸此。蓋以婦爲本而子爲利也。甚至甲典之乙乙復典之丙。一婦而展轉數人。以夫家爲傳舍及其碎壁歸趙亦恬然不以爲耻。職目擊情真痛心疾首請憲通行六縣勒石嚴禁。如敢故犯許里隣首發治以重罪。一以天地之和。一以正人道之始。憲臺主持風教職故因條議而並及之。

禁役保兼充議

保歇爲全浙通病其勢不能盡除而與保歇爲狼狽

者則衙役也衙役婪財必通保歇爲線保歇能法非串衙役不行是其氣類相親故其技倆亦互熟往往衙役革退卽竄當保歇保歇事敗並鑽充衙役而公私之弊實悉由若輩叢生乃嚴屬更有自爲吏胥詭捏子弟家人名色公然並充保歇者既借衙門爲狡窟復倚歇家爲外府罔上行私何所不至亟宜請憲查革尤在冬至前新里上卯諸歇領單催糧之日取各里甲並各衙門具揭申報並嚴禁衙役革退不許出爲保歇保歇事敗不許入爲衙役永著爲令在官之弊旣清卽害及民者不甚烈矣。

清嚴王僕

金長真

為敬陳汝南利弊第九款事。案查順治十五年十一月內。光山叛僕。訛傳奉

此風更

縣羣起效尤猖狂之勢幾同倡亂職適以丈地之役

親詣光山立將發難奸民嚴懲枷示旋蒙各憲發示

禁飭叛風始戢今王明玉李從等累經駁謝俱寘重

典羣小之心膏已懼服但致叛有出貴防其漸欲以

懲前慈後端在拔木塞源安全之道所宜亟籌也其

一為投獻之僕仕官之家僮僕成林自多價買否則

亦可因

之而

其耶世

風之變

真變于

此

以勢交

者勢

而交

掉臂之

端即伏

半低

之口人

若知之

覺耳

為其祖父遺留會配妻室養日久之僕之分亦自

昭然迺有奸猾之徒倚附聲勢委身投獻主人不察

遂爾收留然究其投獻之由或為訟事求勝而欲人

畏我上風或恐故主追求而使其不敢過問或緣奸

盜犯科而恃為護身之符或苦地糧重累而藉為影

射之地欺詐種種主不能知一旦勢敗主為贅疣事

變相乘不難掉臂以去此其所由致叛者一也其一

為強占之奸汝屬有等土豪蠶惡或結黨援或造城

社武斷鄉曲凌轅無知收納衣食無依之輩誘致逮

亾失業之人一入其家如投階阱即育有子女每當

齊心新書卷七

三

既名女
爲婢
於僕
比焉
看辨

婚嫁大則奪其聘財小亦受其勸賀間有不堪其苦
逃之他所則必構黨作中捏成賣券鳴之官司驗其
辨証有據亦莫能辨迨至斷歸原主而勢愈鴟張心
愈狠戾終無脫身之日矣此其所由致叛者二也其
一爲僱工之僕汝俗有所謂年限女婿者原屬僱工
配以婢女議有年限爲之力作俟年限滿卽聽歸宗原
與奴僕不同奈往社工役已滿仍行羈縻乃或孀婦
言歸輒指爲逃僕輾轉與訟至妻子盡鬻子然一身
而訟猶不止其情何堪此其所由致叛者三也其一
爲佃田之僕夫佃戶領田輪租又與僱工不同乃汝

俗亦多稱爲佃僕肆行役使過索租課甚有呼其婦
女至家服役佃戶不敢不從者且有佃戶死凶欺其
本宗無人遂嫁賣其妻若子併收其家資占以爲村
者更有一等親屬佃田香諸律例云佃戶見佃主並
行以少事長之禮若親屬則不拘主佃止行親屬禮
是親屬主佃又與佃戶不同令甲耶然况可以奴隸
畜之繁亂倫常平此其所由致叛者四也蓋投獻由
於趨勢自易離心強占出於畏威尤易解體雖前經
奉

旨禁飭猶恐未盡恪遵若僱工佃戶原爲力役之人

豈同。臧。獲。之。輩。槩。行。凌。虐。大。非。人。情。職。以。爲。役。使。奴。僕。惟。有。價。買。一。着。人。自。僞。首。傾。心。願。爲。終。身。執。役。卽。有。愚。頑。不。率。主。教。出。共。賣。契。治。以。官。法。彼。自。帖。然。豈。復。有。噪。集。多。人。恣。睢。扞。法。者。哉。伏。乞。憲。臺。睿。鑒。嚴。行。禁。飭。無。論。紳。衿。庶。民。此。後。置。買。奴。僕。者。將。文。契。卽。赴。該。州。縣。用。印。有。照。併。將。順。治。元。年。以。來。各。家。買。僕。文。契。俱。赴。該。州。縣。給。與。印。照。

契
照
印
文

